

Sel Prestuhn Boyd K. Packer

Prestuhn luhn U luhn Mwet Sap Singucul Luo

Nga sramsram nuh suwos fototo likina nga oruh met, in kapsra ke nga fuhsr nuh suwos.

Kowos sacohk likina ma etweyuck uh. Nga tuh liye kowos ke muhtuhnfacl ac acn pucspucs. Kowos wo liki kuht ke kuht fuhsr ah. Kowos etuh yohk ke wosasuc uh. Kowos atacn mahtuh ac yohk luhlalhfongi la.

Nga matwac yac 87 ingena. Sahrp kowos ke etuh ke matwac luhk ma nga kuh in usot nuh suwos ke moullowos. Sie pacl ah nga oasr ke acn kowos oasr kac ac etuh ke acn kowos som nuh we. Tuhsruhktuh kowos soenna som nuh ke acn luhk ingena. Nga ke akacsruhi kuhtuh kahs ke soko poem:

*Won mahtuh an suhmuhi.
Won fuhsr uh tiac.
Meac tuh won fuhsr tiac etuh kac
Won mahtuh uh etuh ma yohk.*

*Ke etuh ma, won mahtuh
Srwackna etuh ma yohk liki na won fuhsr.
Meac won mahtuh uh nihkihn?
---Fuhkah in muhi.*

*Won fuhsr uh sohkwack lucng, ten,
Ac raunwellah won mahtuh suhmuhi uh.
Meac won fuhsr muhi nihkihn?
---Ohiyac in som nuh we. 1*

Poem soko ah tiac ma sel Wordsworth, tuhsruhktuh srwackna poem mahtuh se!

Ke ma nuhkwewa ma sikyak fin facluh uh, ke fuhlwelah luhn ohiyac suwohs, kowos mwet fuhsr uh mahtuhlah ke acn lokoalok uh.

Kuht etuh ke ma suhmuhsrah uh lah oasr mweun inkuhsrao ac Lucifer el lahfwekihn ac, yurin mwet lal, "tuh kiacpwelah facluh nohfohn."² El ke ahkkolukye plwacn luhn Pahpah Lucng ac ekuhllah nuhnak ac mukwikwi luhn mwet nuh kwewa. Kolyuck inge pa nguhnnguhn, ac el oasr fin facluh.³

Tuhsruhktuh finne oasr mwe lain, upac, ac mwe sruhf, kowos tiac enenuh in puhtatlac kuh sahngweng.

Ke nga yac 17, apkuhran in ahkolah in srolah ke high school ke tuhlihk lutlut oacna sie ke kuhtuh muhnahs, ma nga muh, ma nuhkwewa raunikuhtlac eklac ke sie lututacng in Sacnri ah. Lwen se tohkoh ah kuht pahngonyuck nuh ke infuckihl luhlalhp luhn lohmlutlut sac. Ke stage an oasr radio srihsrihk fin siah an. Mwet kol luhn lutlut sac urohklah radio sac. Na kuht lohng puhsrwacl Prestuhn Franklin Delano Roosevelt fahk lah Pearl

Tok ma inge sulpac sikyak. Sulpac puhsrwacl Prestuhn Roosevelt, tuh pacl se inge el fahk lah muhtuhnacl lasr uh mweuni Germany. Mweun luhn Facluh Ahkluo oasr fin facluh nohfohn.

Ke pacl sefanna mwet fuhsr lasr ke pacl sac tiacna etuh. Kuht nihkihn ma ac fah sikyak uh. Yac kuht ac moullac in pahyuck ac eis sie sucu?

Mihsenge oasr mweun ac sramsram ke mweun ac facluh nohfohn akuhkuhin.⁴ Kowos, mwet fuhsr lasr, sahp puhla fohs kuh tahfuh luo ke moullac lowos an. Nga ke kahsrh ac luti kowos, usot mwe kolyuck ke kuhtuh ma in oruh ac ma in tiac oruh.

Plwacn luhn wosasuc pa plwacn yohk luhn engan.⁵ Sucu an pa yohk srihpac emet ke plwacn se inge. Sucu an wiwina ma suwohs ke kuh luhn moullac ma oasr yuruwos an.

Ke “Sucu: Sie Mwe Fahkwack nuh fin Facluh,” ma mokleyuck sihmlac sin Prestuhnsi Se Met ac U luhn Mwet Sap Singucul Luo, kuht etwacnah ke moullac lasr met liki kuht isuslac “Mwet nuhkwea---mukul ac muhtwacn---[tuh] oreklac ke luhman God. Kais sie tuhlihk mukul nguhn ac tuhlihk muhtwacn nguhn nuhtin pahpah ac ninac inkuhsrao, ac, mweyen kais sie mwet pa tuhlihk mukul nguhn ac tuhlihk muhtwacn nguhn nuhtin Pahpah ac Ninac inkuhsrao, kais sie eis luhman God ac in kuh in oacna God. Sie mwet el kuh in mukul se kuh muhtwacn se [ma el eis ke moullac se el muhta we met liki el tuhkuh nuh facluh ah]...

“... Kuht oacyacpac ahkweye lah God el sapkihn tuh kuh muhtahl in oraclah tuhlihk enenuh in tuhkuh yurin mukul ac muhtwacn pahyuck se muhkwea.”⁶

Ma koluk Lucifer ac mwet lal eis ke srihpac sulwacnah lalos pa elos tiac kuh in eis sie moullac in mahno.

Mwe sruhf pucspucs kowos ohsun nuh kac, oacyacpac ma koluk emet, orekmakihn monuwos. Kowos kuh in oraclah mahno ke sie fihl sasuc, ac oasr sulwacnah lowos.

Mwet Pahluh Joseph Smith el luti, “Mwet nuhkwea suc oasr mahno eis kuh yohk likina mwet suc tiac.”⁷ Na nguha nuhkwea suc oasr mahno eis kuh in kuhtanglah Setuhn. Kowos eis srihfeyuck ke srihpac mahno lowos, tuhsruhktuh oasr kuh yuruwos in kuhtanghllah Setuhn ac lupufacn lal.

Ke pacl se kuht srolah ke high school ah, inkaiyacsr ke lutlut ah tuh som nuh ke mweun ah, ac kuhtuh tiac fohlohk. Kuht nohfohn ahkolah in wi military. Kuht nihkihn ke ma ac fah sikyak nuh sesr. Yac kuht ac moullac ke mweun ah? Yac ma lasr uh ac fal ke kuht fohlohk uh?

Ke srihpac nga etuh lah nga ac suleyucklac nuh ke army, nga welah air force. Tiac pahnt oasr ke acn Santa Ana, California, ke lutlut luhn oaksohk.

Wacngihn fahkwack luhlalhfongi fokoko luhk ke pacl sacn lah wosasuc uh pwacye, tuhsruhktuh nga etuh lah mwet luti luhk ke seminary, Abel S. Rick ac John P. Lillywhite, etuh lah pwacye. Nga lohngohlos fahkwack luhlalhfongi, ac nga luhlalhfongwelos. Nga

Nga lohng tari ke mwe in sewowo luhn patriarch tuhsruhktuh nga soena eis. Ke kais sie stek oasr patriarch ahkkweyeyuck suc eis nguhn luhn palye ac nguhn luhn fwackyuck. El lwelah in sang mwe in sewowo luhn kais sie nuh sin kuhtwena suc tahpuhkyuck sin pisap lalos an. Nga suhmuhslah nuh sin pisap luhk ke sie pwepuh in lwelah.

J. Roland Sandstrom el sie patriarch ahkkweyeyuck ke Santa Ana Stek. Wacngihn ma el etuh keik ac nga soenna sonol, tuhsruhktuh el use mwe in sewowo luhk. Ke mwe in sewowo se inge nga konwacack top ac kahsruh.

Ke srihpen mwe in sewowo luhn patriarch arlac lukmac, nga ac fah akacsruhi ma srihk ke mwe in sewowo luhk an: “Kom ac kolyuck ke mahmah luhn Nguhn Muhtahl ac kom ac kaiyuck ke ma sensen. Kom fin oruh ma kaiyuck ingacn, Pahpah tuhmasr Inkuhsrao el ac fah ahkinsewowoye kom tuh kom in muh kuh in fohlohk nuh yurin mwet suc luhngse kom.”⁸

Tuh finne kahs *fin* el srihk ke sihm uh, oacna in yohk likina sra puk fohn se. Nga ac ahkinsewowoyeyuck in fohlohk ke mweun ah nga *fin* karihngihn masap ac nga *fin* ukwe kolyuck luhn Nguhn Muhtahl. Finne mwe sang inge ahkkweyeyuck nuh sihk ke nga pacptais, nga nihkihn ma ke Nguhn Muhtahl ac ohiyacn orekma ke mokleyuck uh.

Nga konwacack ma nga enenuh in etuh ke kolyuck lun Puk luhn Mormon. Nga riti lah lupufacn sramsram ke kuh luhn Nguhn Muhtahl, pwacnwacng elos sramsram ke kahs luhn Kraist, pwacnwacng kuht enenuh in eis yohk ke kahs luhn Kraist, ke srihpen kahs luhn Kraist ac fah fahk nuh sesr ma nuhkwea kuht enenuh in oruh uh.⁹

Sahp ma yohk emet ma nga etwacalah ke nga riti Puk luhn Mormon pa puhsrwen Nguhn tuhkuh ke *puhla* se ac tiac ke ma lohngyuck. Kowos ac fah etwacalah, oacna ke nga etwacalah ah, in “lohng” ke puhsra se inge pa *puhla* ac tiac *lohng*.

Nephi el sramsram upac nuh sin mukul mahtuh wiyac, fahk lah tuh elos liye lupufacn se, ac lupufacn sac sramsram nuh selos, tuh elos lohng puhsrwen God kais sie pacl, ac El sramsram nuh selos ke puhsra mihsalac, tuhsruhktuh elos tiac kuh in *puhla* kahs Lal. [10](#)

Kuhtuh mwet nuhnuhkuh fahk lah fuhs inge koluk mweyen kowos *lohng* kahs, kowos tiac *puhla* kahs. Tuhsruhktuh kowos fin etuh kuhtwena ma ke sramsram sin nguhn, kowos etuh lah kahs se ma wo emet ke ma tuh sikyak pa kahs *puhla*.

Mwe sang luhn Nguhn Muhtahl, kowos fin lwelah, ac fah kol ac karihngihn, ac ahksuwosye mukwikwi lowos. Pa puhsra ke nguhn ma tuhkuh nu ke nuhnak kuh *puhla* se lun insiwos. Mwet pahluh Enos el fahk lah puhsrwen Leum tuhkuh nuh ke nuhnak lal. [11](#) Ac Leum el fahk nuh sel Oliver Cowdery lah el ac sramsram nuh sel ke nuhnak lal ac insiyac, ke Nguhn Muhtahl, tuh ac fah tuhkuh nuh sel. [12](#)

Kowos tiac kuh in som ke moul lowos ac tiac tahfonglac, tuhsruhktuh kowos ac tiac tahfonglac yohk likina kaiyuck ke kolyuck luhn Nguhn Muhtahl. Olwelah se inge som nuh ke mempucr nohfohn luhn Alu uh.

Kuhtuh ac fah orek koluk yohk, in ahkkolukye masap luhn wosasuc. Pa inge pacl in ahkacsmakihnye kowos ke Iwaclah, auliyak, ac nuhnak muhnahs nohfohn nuh ke ohiyac ma kowos kuh in sulpac nwacsnwacslah kac an. Leum el fahk lah ke kuht auliyak ke ma koluk lasr, kuht eis nuhnak muhnahs, ac Leum el tiac esam ma koluk lasr.¹³

Setuhn el kapri kowos ke kowos oruh ma koluk, nga ahkacsmakihnye kowos lah kowos sruok ki ma ac fah ikaclah sruhnguhl luhn kacpous. Kowos kuh in ahknwacsnwacsyeyuck ke kihsacalah luhn Mwet Lahngo Jisus Kraist.

Sahp ke pacl upac kowos nuhnkuh lah kowos tiac wo in moliyucklac ke srihpen kowos oruh tahfonglac, yohk kuh srihk, ac kowos nuhnkuh lah ingena kowos tuhac. *Wacngihn* pacl ma inge pwacye! Auliyak muhkwena kuh in ahkkweye ma ngal. Tuhsruhktuh auliyak *kuh* in ahkkweye ma ngal, ke ma nuhkwewa.

Kowos fin muhtwacwacack in oruh ma koluk ma kowos tiac enenuh in oruh uh, kuh wi mwet suc oruh kowos in som nuh ke acn koluk, pa inge pacl in rensui muhkuh lowos, ac sulwacalah lowos an. Lohng puhsrwen Nguhn, ac kowos ac tiac kolyuck nuh ke acn koluk.

Nga sulpac fahk lah mwet fuhsr an tuhfweyucklac ke acn luhn lokoalok ke ma koluk. Tuhsruhktuh ke mwet kuhlwacnsap luhn Leum, nga olwelah nuh suwos lah kowos ac karihngihnyuck ke mwe sruhf luhn Setuhn kowos *fin* ukwe kolyuck sin Nguhn Muhtahl.

Nuknuk nwacsnwacs; sramsram efahl; lohng on wo. Som liki ma koluk ac mukwikwi koluk. Sruok moul lowos ac oruh sifacna in oaru. Ke srihpen kuht enenwekows yohk, kowos ac ahkinsewowoyeyuck. Paphah Lucng El karihngihn kowos pacl nuh kwewa.

Kuh luhn luhlalfongi eklac ke nga puhla sie enenuh in orekmakihn luhlalfongi luhn mwet luti ke seminary luhk. Mihsenge nga enenuh kahrüh sin mwet sahyac uh ke nga fahsr ke srihpen nga mahtuh tuhsruhktuh tiac ke tahfuh luo ke ma luhn nguhn. Nga eklac in luhlalfongi, in kahlwem, ac etuh ke ma pwacye luhn wosasuc ac Mwet Lahngo Jisus Kraist.

Ke mwet loh se Lal, nga fahkwack lah mweun sie inge ma muhtwacwacack met liki kuht tuhkuh nuh facluh uh tiac kihsen siyuck se. Lucifer el fah puhtatlac.

Piacng ah kuht sramsram ke won. Kowos won fuhsr tiac enenuh in sohksokh nuh ke acn nuhkwewa, ac tiac etuh inkacnek in som nuh we. Oasr kuhtuh suc etuh ohiyac. “Leum God Fuhlwact El tiac kuh in oruh kuhtwena ma El fin tiac ahkkahlwemye met nuh sin mwet kuhlwacnsap lal, mwet pahluh.”¹⁴ Leum el ahkkweye Alu Lal ke ip yohk luhn ki ac kahrüh.

Ke sifacn Alu an oasr mwet 15 ahkkweyeyuck ke mwet pahluh, mwet liyactwen, ac mwet fwackyuck. Kais sie luhn Prestuhnsi Se Met ac U luhn Mwet Sap Singucul Luo sruok ki nohfohn luhn pristut enenweyuck in kol Alu an. Mwet Sap mahtuh emet pa Mwet Pahluh---Prestuhn Thomas S. Monson, suc pa mwet sefanna lwelah in orekmakihn ki inge nohfohn.

Ma suhmuhslah fahk lah Prestuhnsi Se Met ac U luhn Singucul Luo orekma ke kaunsucl ac ma suleyuck luhn u se inge enenuh nohfohn in insese nuh kac. Pa inge ma sikyak an. Kuht luhlalfongi sin Leum in kol kuht ke ohiyac ac suk in oruh ma luhngse Lal. Kuht

Kowos enenuh in etwacrah in “luhlalfongi Leum God ke insiom kwewa. Nimet luhlalfongi etuh lom sifacna.”¹⁵ Kowos enenuh in luhlalfongiyuck ac wi mwet kawuck suc luhngse in oacna sie pac.

Kuhtuh pacl uh kowos srihfeyuck in nuhnkuh oacna nga ke nga fuhsr ah: “Ke srihpen ohiyacn facluh, facluh ac fah ahksahfyeyucklac. Pacl sahflah luhn facluh ac fah tuhkuh met liki nga sun acn se nga enenuh in muhta kac.” Tiac pwacye! Kowos kuh in ngwetwack in oruh ma suwohs---in pahyuck, in oraclah sucu, in liye tuhlihk nuhtuwos ac tuhlihk nuhtin tuhlihk nuhtuwos, ac sahpa tuhlihk nahtuhlos pac.

Kowos fin ukwe ip yohk inge, kowos fah karihngihnyuck ac ahkkweyeyuck ac kowos sifacna fah etuh ke kolyuck luhn Nguhn Muhtahl ke acn in som nuh we, mweyen ke kuh luhn Nguhn Muhtahl kowos kuh in etuh ma pwacye ke ma nuhkwea.¹⁶ Nga olwelah lah ma inge ac ahkfalyeyucklac.

Mwe Kahsruh

1. John Ciardi, “Fast and Slow,” *Fast and Slow* (1975), 1.
2. Fwackyuck 12:9; oacyacpac liye Doctrine and Covenants 76:25--26.
3. Liye Doctrine and Covenants 52:14.
4. Liye Doctrine and Covenants 45:26.
5. Liye Alma 42:8.
6. “Sucu: Sie Mwe Fahkwack nuh fin Facluh,” *Liahona ac Ensign*, Nohfuhmpuh. 2010, 129.
7. *Teachings of Presidents of the Church: Joseph Smith* (2007), 211.
8. Mwe insewowo luhn Patriarch lal Boyd K. Packer, Jacnweri 15, 1944, 3.
9. Liye 2 Nephi 32:3.
10. Liye 1 Nephi 17:45; ma sang kac.
11. Liye Enos 1:10.
12. Liye Doctrine and Covenants 8:2.
13. Liye Doctrine and Covenants 58:42.
14. Amos 3:7
15. Soakas 3:5.

Kuht Nuh Kwewa Sollac

Sel Elder Jeffrey R. Holland

Ke U luhn Mwet Sap Singucul Luo

Tamuhlwel, ke ohiyacn tamuhlwel lasr uh, nga finsrak in sramsram suwohswohs na pwacye ofong. Nga sang sramsram suwohswohs ingacn pac nuh sin mukul fuhsr ke Aaronic Pristut.

Ke kuht sramsram ke wolacnaiyen Aruhrruhma Se Met lal Joseph Smith ah, kuhtuh pacl uh kuht ahkwoye lainyuck sensen ma tuhkuh met liki uh, sie lainyuck ma srihke in kuhnahoslah tuhlihk mukul sac fin kuh tuhsruhk ke kuhtwena atac in tulokihnyac fwackyuck se ma ac fah tuhkuh ah. Kuht tiac enenuh in sramsramkihn mwet lokalok, ac nga tiac luhngse sramsram kuhnuhl, tuhsruhk puhlakihn lal Joseph fuhsr ahkacsmakihnye kuht ke ma mukul nuh kwewa, weacng mukul fuhsr nuh kwewa, ke walihl se inge enenuh in esam uh.

Ma se met, Setuhn kuh Lucifer kuh Pahpah tuhmwacn Ma Kikiyacp---finne kom pahnglol fuhkah---el pwacye, mwet na pwacye se ke ma koluk uh. Ma el oruh uh oasr ke ma koluk nuh kwewa, ac el mukwikwi ke atacn kahlwem in molwelah, ke nuhnak ke ma pwacye uh. Ahkluo, el pa lain ma pahtpaht ke luhngse luhn God, Iwaclah luhn Jisus Kraist, ac orekma ke mihs ac molwelah uh. El ac fah lain ma inge ke oacna sie pacl kuh acn el kuh an. El etuh lah el ac fah kuf ac sisilac ke sahflahiyac uh, tuhsruhk el kena us weluhl mwet nuh kwewa ma el kuh in us uh.

Na meac kuhtuh mukwikwi luhn setuhn ke akuhtuhn se inge ke moul ma pahtpaht uh oasr in mwe sensen uh? Puhlakihnyuck se ke Insack Muhtahl sac sifilpac luti yohk mihsenge. Joseph el suhmuhslah lah ke sie kuh in lain ma nuh kwewa ma oan oasr met uh, Lucifer el sang “sie mokleyuck na lut nuh fuck oacna in kapriyac lohuk oruh nga in koflah sramsram.”¹

Setuhn el koflah in uniyac sie mwet. Pa ingacn sie sin ma puhkantwen ma el koflah oruh uh. Tuhsruhkтуh kuhiyac in tulokihnyac orekma uh fah eis mwacta el fin kuh in kapriyac lohun mwet yohk luhlalhfongi la uh. Tamuhlwel, fin pa ingacn atac sac, nga suk ofong mukul fuhsr ac mahtuh ma nuhnkuh yohk ke mweun se inmahsrlon ma wo ac ma koluk inge in wi ac sramsram in yohk. Kuht oasr ke mweun, ac ke mihnit ekahsr tohkoh inge, nga luhngse oruh sie mwet sukok mwet in mweun.

Yac nga enenuh in ononkihn kuhtuh lain in on ke “Kuht Nuh Kwewa Sollac?” Kom etuh, lain soko ke “Kuht inge sano solse; suc ac fah sulaclah in wi?”² Pwacyena lah, ma wo emet ke pahng in mweun se inge pa lah kuht *tiac* siyuck ke mwet luhngse wi lihkcasihkkihn lihkcasihk kuh kihpwack pam ke paho. Moh, kuht luhngse mwet in mweun pucspucs suc ac fah eis oacna mwe mweun nahtuhlos “kahs nuh kwewa ma tuhkuh lun inwaclun God uh.”³ Oruh nga suk ofong ke misineri ma ac tiac sulaclah in kapriyac lohohlos tuhsruhk tuhfah, ke Nguhn luhn Leum ac kuh luhn pristut lalos, ikucslah inwacluhlos ac sramsram usrnguck. Kain sramsram ingacn, tamuhlwel emet ah tuh fahk, pa ma inge pa ma ke “orekma yohk ke luhlalhfongi uh, ac fah oreklac.”⁴

Nga siyuck yohkna nuh sin mukul fuhsr ke Aaronic Pristut an in muhta suwohs ac in akiklen. Nuh suwos, lwelah ngan akuhlahihsiyac ma oacna oruh se ke sritacl uh. Akuhtuhn nuh ke moul-

ac-misac se pa inge ma kuht lain mwet lain uh ma sruhngwac kowos ac sruhnga orekma se inge, oruh nga ac apkuhran nuh in motowos kuhtuh, infoac nuh ke infoac, ke fihrihr fal se inwaclihk in fuhrweack inyemtacl kuhtuh---oacna ke mwet kol sritacl uh oruh ke sritacl uh tari ac kalmeyacn itto uh pa ma nuh kwewa. Ac ke sritacl an srwackna orek uh meac mwet kol sritacl se inge fahk nuh suwos an pa, in sritacl ke u se inge, kuhtuh suwos enenuh in nwacsnwacs in mahno kuhtuh likina kowos oruh inge. Ke mweun inge inmahrton ma wo ac koluk uh, kowos tiac kuh in sritacl nuh sin mwet lokalok oacna sie pacl ke mwe sruhf uh tuhkuh uh, na nuhkuh in nuknukyang nuh sin Mwet Lahngo ke tempuhl ac ke pacl in misin in oacna in wacngihn ma sikyak. Oruh sacn, kawuck fuhsr luhk, kowos tiac kuh in oruh. God el ac fah tiac isrucnyuck.

Oruh oasr elyah se lasr, nga ac kom. Ma se ingacn pa oasr Aaronic Pristut tausin---mukul fuhsr mahtuhyak ma oasr tari ke ma sihmlac luhn Alu uh suc sulacлах un mwet nuh ke kuhlwacnsap luhn misineri ke pacl fahsruh uh. Tuhsruhk ma upac uh pa in oruh tikin, mwet luti, ac prist in muhta fokoko ac nwacsnwacs fal in akmuhsraiuycklac nuh ke elder ac kuhlwacnsap oacna misineri uh. Oruh kuht enenuh mukul fuhsr ma oasr tari ke u an in *muhta* na kac ac tiac srowoht srome ke kuht enenwe kowos in sroacng ac sritacl ke kuhiyowos! Apkuhran ke akuhtuhn nuh kwewa ke sritacl ma nga etuh uh, oasr lain ma sroallah infohk ah kuh ke acn in sritacl an lun acn ma mwet sritacl nuh kwewa enenuh in muhta na loac in sritacl. Leum el srolwacлах lain ke suwohswohs nuh sin mwet ma pahng in orekma Yohrohl ke orekma se inge. Wacngihn misineri kuh in tiac auliyak ke ma tahfonglac ke kosro kuh kahskahs koluk kuh kena ke petsac koluk ac nuhkuh in kalyei mwet sahyac in auliyak ke ma ingacn! Kowos tiac kuh in oruh ohinge. Nguhn lac fah tiac wi kowos ac kahs uh ac fonosyac inkwacwaclos ke kowos ac fahk kac uh. Kowos tiac kuh in fuhfahsryucsr ke ma Lehi el pahngon “inkacnek koluk”⁵ ac nuhkuh in kol mwet sahyac an nuh ke inkacnek “suwohs ac ohsrihksrihk”⁶ soko ah---tiac kuh in oreklac.

Tuhsruhk oasr sie inkacnek nuh suwos in kuhtanglah ma koluk lowos an oacna ke oasr inkacnek se nuh sin mwet intoe sacn ma kowos ac fah luti in kuhtanglah ma koluk lalos an. Finne suc kom an ac oacna sie ma kowos orwacлах an, e kuh in nuhna muhnahsiyuck kowos. Kowos nuh kwewa mukul fuhsr an kuh in fihliyac kuhtwena ma tahfonglac ma kowos tihkuclkucl kac. Pa “ma usrnguck ke eis nuhna muhnahs uh,” ma usrnguck ke Iwacлах luhn Jisus Kraist. Tuhsruhk kowos tiac kuh in oruh fin wacngihn otwelah fokoko nuh ke wosasuc , ac kowos tiac kuh in oruh fin wacngihn auliyak ke ma enenweyuck an. Nga siyuck suwos mukul fuhsr an in fokoko ac in nwacsnwacs. Fin enenweyuck, nga siyuck suwos in *oruh* in fokoko ac *oruh* in nwacsnwacs.

Tamuhlwel, kuht sramsram fakfuck nuh suwos ke srihpen ma nuh kwewa ma sesahlah in wo uh kwacna orekma. Kuht sramsram fakfuck ke srihpen Setuhn el mwet na pwacye se ma ahkolah in kuhnaus kowoslac, ac kowos sun mokleyuck lal ke matwac fuhsr se. Oruh kuht sruok kowosi ke kala lowos an ac sasa lihksrweni oacna ke ma kuht etuh uh:

*Lohacng! puhsrwen mweun uh kuh in lohngyuck ac kahlwem;
Fahsruh welah u uh! Fahsruh welah u uh!*⁷

Kawuck fuhsr luhk an, kuht enenuh pac tausin ke misineri ke mahlwem ac yac fahsruh uh. Misineri pucspucs enenuh in tuhkuh ke sie pihsac luhlahp ke Aaronic Pristut ma ac fah akmuhsraiuycklac, fokoko, nwacsnwacs, ac suwohswohs in kuhlwacnsap.

Nuh suwos suc ma kuhlwaconsapuh sie misin tari kuh ma kuhlwaconsap ingena an, kuht kuloh nuh suwos ke ma wowo kowos orwaclah an ac ke moul ma kowos puhsrallah an. Insewowo nuh suwos! Kuht akihlen pac lah oasr kuhtuh suc oasr finsrak moul lalos nohfohn in kuhlwaconsapuh misin uh tuhsruhk, ke srihpen elyah luhn mahno kuh kuhtuh pac ma oruh in upac nuh ke kuhiyaclos an, tiac kuh in kuhlwaconsapuh sie misin. Kuht ahkfuhlwactye ac yuckihn u se inge. Kuht etuh kena lowos an, ac kuht kaksakihn kwacfeacng lowos an. Luhngse ac nuhna lasr uh oasr yuruwos. Kowos “oasr ke u uh” ac fah wi pacl nuh kwewa, kowos finne ahkfuhlwacteyuck in itucklac liki kuhlwaconsap ke lwen nuh kwewa uh. Tuhsruhk kuht enenwe kowos nohfohn!

Ingena, kowos tamuhlwel ke Melchizedek Pristut an. Nimet isrwacsr srihsrihk ac muhta funglac ke woikoac luhn siyah lowos an. Nga soenna sahflah ke sramsram uh. Kuht enenuh siyacyacn tausin pac in kuhlwaconsap ke misin luhn Alu uh. Prestuhn luhn misin nuh kwewa ngihstre in puhseni siyacyacn suhpweyucklac nuh ke misin lalos an. Acn nuh kwewa ma elos kuhlwaconsap we uh, siyacyacn lasr uh use inkaiyaclos nuh ke orekma ma wacngihn luhn matwac yac 19, finne ke woiyaclos, kuh in sang.

In ahkkweye kuhtuh pac siyacyacn an in kuhlwaconsap, Prestuhnsi Se Met ac U luhn Mwet Sap Singucul Luo uh orwaclah sie sulaclah na suwohswohs ac pwacr in kahsrh emet ke orekma luhn misineri uh ke yac 50 somlah ah. Ke Mei ke yac inge mwet kol pristut ke acn orekma uh eis sie mwe fahkwack lah moli lohm nuh sin siyacyacn uh (ac kuht sramsram *muhkwena* ke molin lohm) fah ahkyohkyeyuck ke mani luhn misineri ke Alu uh fin molo sacn sang sie luhpah etweyuck ke kais sie mahlwem. Fuhkah insewowyac! Ma inge pa mwe kahsrh suhpweyuckme inkuhsrao nuh sin kais sie siyacyacn lasr inge in sun ke misin lalos uh. Tamuhlwel uh oacyacpac nuhkuh lah siyacyacn ke misin sacn kuh in muhta mahlwem 6 kuh 12, oacna ke ma muhta orek uh mahlwem 18 kuh 24. Ke sie pac akucl wolacna, ituckyang lwelah nuh sin siyacyacn, ke mani lalos sifacna, in fohlohk nuh lohm selos ke ma sikyak yohk srihpac luhn sucu an. Ac tui in elyahkih lah kowos fah enenuh in tongtong ke sruhnguhl an kuh oruh pacna pacl an oacna matwac yac 19 an! Kuht tiac ngihstre kowos in oruh ma ingacn tuhsruhk oasr pac ma pucspucs sahyac kowos kuh in oruh, ac e fah oasr sukohsohk puhkantwen lowos in sulaclah ohiyacn oruh lowos kac an.

Tamuhlwel, kuht akihlen lah kuhtuh suwos tiac kuh in som nuh ke sie misin ingena, ac sahp tiacna kuh, ke srihpen kuh in mahno wo ac fal, sucu, kuh srihpac luhn acn an. Tuhsruhk ke kihtin plwacn inkaiyowos kuh in som oruh sie misin.

Pisap ac prestuhn luhn stek an, sramsramkih enenuh se inge yurin mwet in kahsrh lowos an ac ke toeni an. Muhta emet ke miting lom an ac pruhe in liye mwet alu an ke atacn mwet ma enenuh in eis sie pahng an. Na sang kaks in kahsrh nuh selos ac kahsrwelos orwaclah sie lwen in misineri kuhlwaconsap lalos. Tamuhlwel, ke ma ingacn sikyak uh, fahk nuh sin muhtwacn kiyowos an lah kowos fin kuh in som liki siyah fihsracsrsracsr lowos an ac remote in tifi an ke lusen mahlwem fototo, muhtwacn kiyowos an kuh in som liki tuhlihk nuhtin nuhtuhlos an. Tuhlihk srihsrihk kahto ingacn ac fah wo nuh se, ac nga olwelah lah kowos fah oruh ma nuh selos ke kuhlwaconsap luhn Leum ma, facl wacngihn sahflahiyac se, kowos tiac kuh in oruh kowos fin muhtana lohm ah in eis pacl yohk lalos yohrohlos. Pahpah ac ninac mahtuh uh tiac kuh in sang

sie mwe sang wolacna nuh sin fihi nahtuhlos an likina in fahk ke orekma oacyacpac ke kahs, “Ke sucu se inge kuht kuhlwaconsapuh misin uh!”

Orekma luhn misineri uh tiac ma sefanna ma kuht enenuh in oruh ke Alu wolacna, yohk ac sralwacp se inge. Tuhsruhk apkuhran in ma nuh kwewa sahyac ma kuht enenuh in oruh uh wiwina lohng emet luhn mwet uh ke wosasuc luhn Jisus Kraist ac welah Alu uh. Pwacyena lah oruh sap sahflah luhn Jisus nuh sin Mwet Singucul Luo ah arlac fihswacsr---“kowos in som, ac luti facl nuh kwewa, pacptaiseluhloslac ke inen Pahpah, ac ke Wen, ac ke Nguhn Muhtahl.”⁸ Tukun na sikyak ma ingacn, mwe inewowo sahyac ke wosasuc uh tuhkuh---tuhkweni luhn sucu, prokracm luhn mwet fuhsr, eisyacn pristut, ac akwuck ma kol kuht nuh tempuhl uh. Tuhsruhk oacna ke Nephi el fahkwack ah, ma ingacn tiac kuh in tuhkuh nwe ke sie “utyak nuh . . . motonoac uh.”⁹ Ke srihpen ma nuh kwewa ma enenuh in oreklac nuh ke inkacnek in mouh ma pahpaht uh, kuht enenuh in puhs misineri in ikucslah motonoac sac ac kahsruh mwet sahyac uh in utyak.

Nga siyuck mukul nuh kwewa ma sruok pristut uh, kwewana mukul mahtuh ac fuhsr, in fokoko na ac kampare in tiac puhsra in lain ma koluk muhkweni ac in pa mwet in ayaol se kac an, tuhsruhk in oacyacpac sie puhsra ke ma wo, sie puhsra ke wosasuc, sie puhsra luhn God. Tamuhlwel ke matwac nuh kwewa, tuhlahlah lohuwos ac liye usrnguck ke orekma lom ke mouh lalos “suc tiac etuh ma pwacye uh ke srihpen elos tiac etuh in konwacack.”¹⁰

Silahklahk nuh ke mweun, silahklahk nuh ke acn an;

Ma pwacye pa susu, ac mwe loang lasr.

Tu sisen fuhlwack lasr; puhlaik elos pounset!

Kuht engan yohk, engan fahsr nuh inkuhsrao. 11

Ke inen Jisus Kraist, Mwet Kol Fuhlwact lasr, amen.

Mwe kahsruh an

1. Joseph Smith---History 1:15.
2. “We Are All Enlisted,” *Hymns*, no. 250.
3. Liye Doctrine and Covenants 84:44; liye pac Deuteronomy 8:3; Mattu 4:4.
4. *Lectures on Faith* (1985), 74.
5. Liye 1 Nephi 8:28.
6. Liye 2 Nephi 31:18.
7. *Hymns*, no. 250.
8. Mattu 28:19.
9. Liye 2 Nephi 33:9.
10. Liye Doctrine and Covenants 123:12.
11. *Hymns*, no. 250.

Sang ke Ohiyac luhn Leum

Sel Prestuhn Dieter F. Uchtdorf

Mwet in Kahsruh se Ahkluo ke Prestuhnsi Se Met

Yac onngoul-limekohsr somlah ah, tukun na Mweun Ahkluo, Nga puhlakihn suwohs mwe insewowo ke prokracm in kahsruh luhn Alu uh. Nga finne srihk ke pacl sac, nga srwackna esam emwemiyacn tin in peach wi wheat kuyak ac fohloh wo se ke nuknuk orekwacni suhpweyucklac nuh yurin Mwet Luhlahlfongi German ke acn luhn solse ah sin mempucr wowo luhn Alu uh United States. Ngwac fah tiac muhlkuhnlah mukwikwi in luhngse ac kuhlwaeng inge nuh sesr suc enenuh kahsruh yohk.

Puhla se luhk inge ac ahkacsmakihn ahk 75 ke plwacn in kahsruh mokleyuck se use nuh sihk srihpac in sifil motko mwe luti fihsracsr ke fosrngahkihnyacn mwet suhkahsruh ac enenuh, in kuh in sifacnalac, ac kuhlwaengsapuh mwet wiyacsr.

Ke Okahn Luhlahlfongi Lasr

Kuhtuh pacl uh kuht liye kahsruh uh in oacna sifac se sahyac luhn wosasuc---sie sin lah puhkantwen ke sahk in wosasuc. Tuhsruhk nga luhlahlfongi lah ke plwacn luhn Leum, otwelah lasr ke mwe luti luhn kahsruh uh enenuh in oasr ke okah na pwacye se ke luhlahlfongi ac alu lasr nuh Sel.

E ke na muhtwacwacackiyacn pacl uh, Pahpah tuhmasr Inkuhsrao El sruhmuhn ke luhngse pwacye ke sifac se inge: ke nguhsr efahl se, ma oacna ke El fahk lah kuht fin luhngse El kuht fah esam mwet suhkahsruh, ac ahkmuhtahlye ma lasr uh nuh ke loangweyactahl, 1 oacpacna, nuh ke mwe sap suwohswohs, ac ke El fahk in esam ke ma nuh kwewa mwet suhkahsruh ac enenuh ac muhnahs ac mas, tuh elos suc tiac oruh ke ma inge tiac oruh mwet tuhma lutlut Luhk, 2 ac oacyacpac, nuh ke sap kuh, oacna ke El fahk lah fin kuhtwena mwet fah eis ke ma pucspucs ma Leum el orwaclah ac tiac akacsruhi kac, oacna ke masap luhn wosasuc, nuh sin mwet suhkahsruh ac mwet enenuh, el ac ngwetwack liyacl ac mwet koluk lun e sac kweoklac.3

Ip luhn Mahno ac Ip luhn Nguhn Tuhkweni Nuh Sie

Masap yohk luo---in luhngse God ac mwet tuhlan lasr---pa tuhkweni nuh sie ke ip luhn mahno ac ip luhn nguhn. Yohk srihpac in etweyuck lah masap luo inge pahngpahng “yohk” ke srihpen masap sahyac nuh kwewa oasr kac sifacna.4 Nuh ke kabs sahyac, ma yohk srihpac luhn kais sie, sucu, ac Alu uh enenuh muhtwacwacack ke masap luo inge. Finsrak ac mukwikwi sahyac nuh kwewa enenuh in kahklac liki masap yohk luo inge---liki luhngse lasr nuh sin God ac nuh sin mwet tuhlan lasr.

Oacna ke siskac luo ke sie mani sacn, ip luhn mahno ac ip luhn nguhn tiac kuh in fahsrwelikh.

Mwet se ma sang moul nuh kwewa uh fahkwack lah ma nuh kwewa pa ip luhn nguhn nuh Sel, ac El soena use nuh sesr sie masap ke ip luhn mahno. 5 Kalmeyac nuh sihk pa moul ke ip luhn nguhn uh pa yohk srihpac emet uh. Tiac sie ma e ana etweyuck ac lutlutkihnyuck, enenuh in moulkihnyuck. 6

Koluk ohiyac, oasr selos ma tiac liye yohk ke “ip luhn mahno” ke srihpen elos srihkkihn. Elos seko ip luhn nguhn ke elos ahksrihkye ip luhn mahno. Ke yohk srihpac in oasr nuhnak lasr ke ma luhn inkuhsrao, kuht oallah ke oruh luhn alu uh fin pahosr tiac pac kahsrup mwet wiyacsr.

Nuh ke mwe srihkarak, Enoch el muhsahelah acn luhn Zion ke oruh ke ip luhn nguhn ma orwaclah mwet ma oasr insiyac se ac nuhnak se ac orekma ke ip luhn mahno in ahklohye in tiac oasr mwet suhkahsrup inmahsrlolos. 7

Ke ma kwacna orek uh, kuht kuh in liye ke mwe srihkarak wowo lasr, Jisus Kraist, nuh ke sie atac. Ke Prestuhn J. Reuben Clark el luti, “Ke Mwet Lahngo el tuhkuh nuh facluh ah oasr misin yohk luo lal; sie pa in ahkfalye kunohkohn luhn Messaia, iwaclah ke puhtatlac sac, ac ahkfallah luhn masap; misin se sahyac ah pa orekma ma el orwaclah inmahsrlon tamuhlwel ac tahmtahel wiyac ke mahno suc ma El eslah kweok lalos. 8

Ke kain atac sacna, kapkapwack ke ip luhn nguhn lasr uh orekwacni nuh sie ke kuhlwasnsap ke ip luhn mahno kuht oruh nuh sin mwet sahyac uh.

Sie ahkfalye sie sahyac. Ma se ma wacngihn lwelah la uh pa ma tiac pwacye ke plwacn in engan luhn God.

Ohiac luhn Leum

Puhkantwen mwet ac u wo fin facluh ma srihke in orwaclah enenuh suhlahklahk luhn mwet suhkahsrup ac mwet enenuh ke acn nuh kwewa. Kuht sruikihn ma inge, tuhsruhk ohiyac luhn Leum in fosrngahkihn mwet enenuh uh sie liki na ohiyac luhn facluh uh. Leum el fahk lah enenuh in oreklac ke ohiyac Lal sifacna.⁹ El tiac luhngse muhkwenana ke enenuh suhlahklahk lasr uh; El elyah ke kapkapwack ke moul ma pahtpaht lasr uh. Ke srihpac se inge, pacl nuh kwewa ohiyac luhn Leum uh ituckyang kuh in sifacna ac kuhlwasnsap nuh sin mwet tuhlan lasr uh welah in oruh fosrngahkihnyacn mwet suhkahsrup.

Ke 1941, Infac soko Gila ah kof ah yohkwaclihk ac sronotiyac Duncan Valley fin acn Arizona. Stek prestuhn fuhsr suc inel pa Spencer W. Kimball ohsun nuh yurin mwet in kahsrup lal ah, kahsrwelah muhsahllah sac, ac suhpwaclah pweng nuh Salt Lake City ngihstre ke luhpan mani na yohk se.

Prestuhn Heber J. Grant el tiac suhpwaclah ke mani tuh el suhpwaclah mukul tolu: Henry D. Moyle, Marion G. Romney, ac Harold B. Lee. Elos muhtwactalah nuh yohrohl Prestuhn Kimball ac lotwelwacng ke lesin na yohk srihpac se: “Tiac prokracm in ‘use nuh sihk se,’” elos fahk. “Prokracm in ‘sifacna kahsrup se.’”

Yac pucspucs tohkoh, Prestuhn Kimball el fahk: “Nga muh, ac kuh in ma na fihsracs se, Tamuhlwel wiyuck ah in suhpwacma [mani] ac luhkuhn upac in muhta lun ohfohs luhk ah ac kihtaclihk; tuhsruhktuh yohk ma wo tuhkuh nuh sesr ke kuht orwacni mempucr foko som nuh Duncan ac muhsahi kalkal ac wiwac mah nwacn kosro ac ahktuhpahsrpahsrye acn ah ac oruh ma nuh kwewa enenuh in orek ah. Pa ingacn sifacna kahsrup uh.”¹⁰

In ukwe ohiyac luhn Leum uh, mempucr ke stek lal Prestuhn Kimball ah tiac orwacalah muhkwenan enenuh suhlahklahk lalos ah, tuhsruhk elos ahkyohkyacalah kuh in sifacna, kahsrwelah kweok, ac kapwack ke luhngse ac sie sin sie ke elos kuhlwaacsapuh kais sie uh.

Kuht Nohfohnna Oasr Kac

Ingena puhkantwen mempucr ke Alu uh suc ma kweoklac. Elos masrinsracl, srihklac mani la, ac kweoklac ke kain in ohiyac luhn mahno, nuhnak, ac kweoklac ke ip luhn nguhn. Elos pruhe ke kuhiyacn nguhnalos kwewa ke kahsrh.

Tamuhlwel, nuhnak muhnahs nimet nuhnkuh muh ma kunen sie mwet sahyac. Ma luhk, ac ma lom. Kuht nohfohn oasr kac. “Nohfohnna” kalmac pa *nohfohnna*---mwet sruok Aaronic ac Melchizedek Pristut nuh kwewa, kahsrhup ac suhkahsrhup, ke muhtuhn facl nuh kwewa. Ke plwacn luhn Leum uh, oasr ma se ma mwet nuh kwewa kuh in kahsrh kac. 11

Lesin se kuht lutlutkihn ke fihl nuh ke fihl pa muh mwet kahsrhup ac mwet suhkahsrhup pa *nohfohnna* oasr ye oruh muhtahl sefanna in kahsrh mwet tuhlan lalos. Kuht nohfohnna enenuh in tuhkweni orekma in orekmakihn wo mwe luti ke kahsrh ac kuh in sifacna.

Kuht kwacna liye enenuh raunikuhtyak uh finsrakihn muh sie mwet muhta loes fah mwenmweniyuckme in orwacalah enenuh ingacn. Sahp kuht tuhpan mwet nuh kac ma oasr etuh la kac in sokwack ohiyacn kain in elyah. Ke kuht oruh ma inge uh, kuht eslah mwet tuhlan lasr ke kuhlwaacsap kuht kuh in oruh uh, ac kuht eskuhtlac liki pacl wowo in kahsrh. Ke wacngihn ma koluk ke mwet nuh kac uh kuht etuh lah ac fah tiac oasr suhna selos in ahksuwosye elyah uh nohfohn. Leum el sang pristut ac u kac uh nuh sesr fin facluh nohfohn. Ac, El sang pac Rilif Sosaiti nuh kac. Ke kuht mwet sruok pristut uh etuh uh, wacngihn oruh ke kahsrh oreklac wo fin tiac orekmakihnyuck mwe sang ac talan etweyuck luhn tahmtahel wiyacsr uh.

Ohiyac luhn Leum uh tiac pa in pihtucki siskacn koan infacl soko ac tuhpan kof an in som met liki kuht ac tuhpalah uh. Pa in tuhkweni nuh sie, luhmwack poun fohrohk lasr uh, som orekma, ac muhsahelah soko finsohs an kuh soko oak an in sahsrah ke kof luhn ma upac lasr uh. Kowos mukul luhn Zion, kowos mwet sruok pristut an, pa mwet ma kuh in kohllah ac use kahsrh nuh sin Mwet Luhlahlfongi uh in orekmakihn mwe luti mokleyuck ke prokracm luhn kahsrh! Misin se lom in ikacslah motom, orekmakihn pristut lom an, ac som orekma ke ohiyac luhn Leum.

U Wowo Se fin Facluh

Ke Pacl Upac yohk sac ah, Harold B. Lee el ngihseyuck sin sie Tamuhlwel in sokwack top ke kweok luhlahp, ahsor, ac masrinsracl se ma upac na pwacye ke pacl sac. El eis nuhnak sac nuh sin Leum ac siyuck, “Kain u fuhkah se e oasr lasr uh..., in oruh ma inge uh?”

Ac “oacna in muh Leum el fahk [nuh sel]: ‘Liye, wen nuhtihk. Kom tiac enenuh kuhtwena u sahyac. Nga usot u na wowo se ma oasr fin facluh. Wacngihn ma kuh liki u luhn pristut. Ma nuh kwewa fin facluh kom enenuh in oruh uh pa in sang pristut an in orekma. Pwacna.’”¹²

Pa ingacn muhtwacwacack se ke pacl lasr uh pac. Oasr tari u luhn Leum akwucki yohrohsr. Ma upac lasr uh pa in nuhnkuh lah kuht ac orekmakihn fuhkah.

Acn in sramtweack an pa in etwekuhtlac sifacna ke ma Leum el ahkkahlwemye tari. Kuht tiac enenuh in motko muh kuht etuh. Kuht enenuh in sun ohiyac sacn ke puhsisaclyacn sie kihtin tuhlihk. Fihl nuh kwewa enenuh in lutlutkihn sie mwe luti sasuc ma oruh pwelucng se ke ohiyac luhn Leum in fosrngahkihn mwet enenuh. Oacna ke mwet pahluh pucspucs ahkuhtweyac nuh sesr ke yac pucspucs me uh, mwe luti ke kahsrub luhn Alu uh tiac nuhnak wowo se ma ana nuhnkweyuckyak; ma ingacn pa ma pwacye ahkkahlwemyeyuck sin God---ma ingacn pa ohiyac Lal in kahsrub mwet enenuh.

Tamuhlwel, lutlutkihn met ip yohk ac mwe luti ahkkahlwemyeyuck an. Riti puk in kahsrub ke kahsrub luhn Alu uh;¹³ orekmakihn Internet website “providentliving.org”; sifil riti ma fwack ke plwacn in kahsrub luhn Alu uh ke *Liahona/Ensign* ke Jun 2011. Sokwack ke ohiyac luhn Leum in sang nuh sin Mwet Luhlahlfongi Lal. Lutlutkihn ip yohk ke fosrngahkihn mwet enenuh, kuhlwaacsap nuh sin mwet tuhlan, ac kuh in sifacna ahkkweye kais sie. Ohiyac luhn Leum ke kuh in sifacna enenuh in oasr oruh fal se ke moull, weacng lutlut, kuh in mahno, orekma, mani luhn sucu, ac kuh ke ip luhn nguhn. Etwekomlac sifacna ke prokracm in kahsrub ke pacl inge luhn Alu uh.¹⁴

Pacl se kom lutlutkihn mwe luti ac ip yohk ke kahsrub luhn Alu uh, suk in orekmakihn ma kom etwacalah an nuh ke enenuh lalos suc kom fosrngahkihn an. Kalmeyacn ma se inge pa, ke luhpah yohk se, kom ac enenuh in sifacna sokwack. Sucu nuh kwewa, alu nuh kwewa, acn nuh kwewa facluh siena. Wacngihn top nuh ke ma se fal nuh ke ma nuh kwewa ke kahsrub luhn Alu uh.

Kom enenuh in orwacalah sie plwacn ma ac wi na mwe luti luhn Leum ac fal nuh ke ohiyac luhn acn sum an. In orekmakihn ip yohk ke kahsrub muhtahl uh, kom tiac enenuh in liye Salt Lake City pacl nuh kwewa. Sahyacna, kom enenuh in liye ke puk in kahsrub an, lun insiyom, ac nuh inkuhsrao. Luhlahlfongi moklweyuck luhn Leum ac ukwe ohiyac Lal an.

Sahflahiyac ah kom enenuh in oruh ke acn sum an ma mwet tuhma lutlut luhn Kraist orwacalah ke fihl in pacl nuh kwewa: akacsruhi, orekmakihn mwe kahsrub nuh kwewa ma oasr an, suk mokleyuck luhn Nguhn Muhtahl, siyuck sin Leum ke ahkkweyeyuck Lal, ac luhmwack poun fohrohk lom an ac som orekma.

Nga usot olwelah se, kom fin ac ukwe atac se inge, kom ac fah eis kain kolyuck ke ma oacna *suc*, *meac*, *pacl suc*, ac *oyac* in sang ke ohiyac luhn Leum.

Mwe Insewowo ke Sang ke Ohiyac luhn Leum

Olwelah luhn mwet pahluh ac mwe insewowo ke kahsrub luhn Alu uh, ke sang ke ohiyac luhn Leum, pa kuhtuh ma wolacna ac kahto Leum el sang nuh sin tuhlihk Nahtuhl uh: “Ac kowos fin kihte mwet masrinsrac, ac kahsrwelos suc muhta in enenuh, na lohsr suc apinkowoslac fah eklac oacna kalmacn faht ke infulwen lwen: Na nga fah kol kowos pacl nuh kwewa.”¹⁵

Kuht finne kahsruph kuh suhkahsruph, ke acn nuh kwewa kuht muhta we uh, kuht nuh kwewa enenuh sie sin sie, tuh pa ke kihsackuhnlah pacl lasr, talan, ac mwe kahsruph uh yohk ke ip luhn nguhn lasr uh ac ahknwacsnwacsyeyucklac.

Orekma se ke sang ke ohiyac luhn Leum uh tiac ma ke sie puk in ohtoh ke prokracm luhn Alu uh. Tiac kuh in pihlesreyuck kuh fihliyucki nuh sahyac. Pa yohk srihpac ke mwe luti lasr uh; pa sacohk ke luhlhlfongi lasr uh. Tamuhlwel, pacl wowo ac yohk srihpac oacna ke mwet sruok pristut uh e orekma in orwacalah orekma uh. Kuht tiac enenuh in furohklah nuh sahyac insiyacsr kuh insiyacsr liki in oruh in kuh in sifacna lac, fosrngahkihn wo mwet enenuh, ac kahsruph kuhlwaensap pahkotwen se.

Ma luhn ip luhn mahno uh orekwacni fototo nuh ke ma luhn ip luhn nguhn uh. God el use nuh sesr puhla ke mouh uh ac ma upac ke ip luhn mahno ma oasr kac ke acn ma kuht kuh in kapwack nuh ke mwet ma Pahpah Lucng el luhngse kuht in oacna. Sahp kuht kahlwem ke kunohkohn yohk ac mwe insewowa ma tuhkuh ke ukwe ac sang ohiyac luhn Leum pa pruhe luhk ke inen Jisus Kraist, amen.

Mwe Kahsruph

1. Liye Doctrine and Covenants 42:29--30.
2. Liye Doctrine and Covenants 52:40.
3. Liye Doctrine and Covenants 104:18.
4. Liye Mattu 22:36--40.
5. Liye Doctrine and Covenants 29:34.
6. Thomas Merton, *Thoughts in Solitude* (1956), 37.
7. Liye Moses 7:18.
8. J. Reuben Clark Jr., ke Conference Report, Eprel 1937, 22
9. Liye Doctrine and Covenants 104:16; liye pac fuhs 15.
10. Spencer W. Kimball, ke Conference Report, Eprel 1974, 183, 184.
11. Liye Mosiah 4:26; 18:27.
12. Harold B. Lee, sramsram sruhmuhnyuck ke toeni luhn welfare agricultural, Ohktohp 3, 1970, 20.
13. Liye *Handbook 1: Stake Presidents and Bishops* (2010), sapta 5, "Administering Church Welfare"; *Handbook 2: Administering the Church* (2010), sapta 6, "Welfare Principles and Leadership"; *Providing in the Lord's Way: Summary of a Leader's Guide to Welfare* (pamphlet, 2009).
14. Puk lal Elder Glen L. Rudd *Pure Religion: The Story of Church Welfare since 1930* (oasr ke Church distribution) pa acn kahto se in lutlutkihn mwe luti ac ma mahtuh ke prokracm in kahsruph luhn Leum.
15. Isaiah 58:10--11; liye pac fuhs 7--9.

Puhlaik in Muhkwelac Tu

Sel Prestuhn Thomas S. Monson

Tamuhlwel wolacna wiyuck, pacl na wowo se in wi kowos ofong. Kuht suc sruok pristut luhn God orwacalah sie tuhkweni ac ohiyacn tamuhlwel wowo.

Kuht riti ke Doctrine and Covenant, ip 121, fuhs 36, lah suwohs luhn pristut uh kapsrweyucki nuh ke kuh luhn inkuhsrao. Fuhkah wolacnaiyacn mwe sang se ma utuckuh nuh sesr uh---in sruok pristut, suc ma kapsrweyucki nuh ke kuh luhn inkuhsrao. Mwe sang sacohk se inge, tuhsruhktuh, tiac weacng mwe insewowo muhkweni tuhsruhk oacyacpac kunohkohn muhtahl. Kuht enenuh in ahkfahsrye mouh lasr uh in muh nwacsnwacs nuh ke pristut kuht sruok uh pacl nuh kwewa. Kuht mouh ke pacl ma kuht rauniyuckyak ke ma puhs in ahkmwelye kuht nuh ke inkacnek ma kuh in kol kuhtlac nuh ke muhsahllah lasr uh. In lusrong kain inkacnek uh enenuh oaru ac puhlaik.

Nga esam pacl se---ac kuhtuh suwos ofong fah esam pac---ke akwuck fal luhn inkaiyacn mwet uh ma apkuhran in oacna akwuck fal lasr uh. Tilac pwacye ma inge. Nga tuhfehna ritweack sie sramsram fototo ke *New York Times* ke lutlut se ma orek ke suhmuh ke yac 2008 ah. Akihlenyacn Notre Dame sociologist kol u in sukok se in ahkfahsrye kihsen siyuck in lohngohk yurin tuhlih fuhsr 230 fin facluh nohfohn. Nga luhlalhfongi lah kuht kuh in motko in wo lah ma sikyak kac ah kuh in oacna inkaiyacn acn fin facluh.

Nga akacsruhi nuh suwos ke sie ip ke sramsram na etweyuck soko inge:

“Mwet kihsen siyuck ah siyuck kihsen siyuck srihsrihk ke ma pwacye ac stuhuh, sulacalah upac ke mouh uh ac kalmacn mouh uh. Ke top loes ac tiac kahlwem uh, . . . kowos liye mwet fuhsr uh upackihn in fahk kuhtwena ma ke ohiyac inge. Tuhsruhk wacngihn ohiyac ac puhsrwen kahs lalos in oruh kac.

“Ke siyuckyuck in ahkuhtweyac elyah luhn mouh elos sun uh, luo tolu sin mwet fuhsr ah tiac kuh in topuk kihsen siyuck ah kuh ahkuhtweyac elyah ma tiac pwacye, ma oacna lah elos kuh in moli in sol lohm in ren kuh lah oacna oasr mani sacn in moli insin in moli ke acn in fihl stosah.”

Sramsram soko uh tuhtahflah:

“Luhlalhfongi ma oasr, suc ma inkaiyaclos sikalweni in fohlohk nuh kac, pa sulacalah pwacye ac stuhuh pa ohiyac se nuh ke oruh luhn kais sie. ‘Ma la sifacna,’ topuckyac uh kwacna fahk. Luhngse na luhn kais sie. Suc nga uh in fahk?

“Sislah ahkostwen ke kihsen siyuck nuh sin mwet kol an, inkaiyacn mwet fuhsr uh tahfwelah ke kuhtuh ohiyac sahyac, [fahk]: ‘Ngwac oruh ma nga nuhnkuh muh ahkpwacryeyuc kuh ohiyacn puhla luhk. Wacngihn ohiyac sahyac luhk in etuh ma in orek uh tuhsruhk ohiyacn puhla luhn insiyuck uh.’”

Elos suc ahkfahsrye lohngohk sac ah ahkuhtweyac wo lah inkaiyacn mwet fuhsr ma elos sramsram nuh se ah “tiac lutiyuck elos---ke lutlut, ahkpah kuh sucu---in ahkyohkye oruh pwacye lalos.”¹

Tamuhlwel, fin wacngihn mwet lohngyuc ingena enenuh in oasr suhlahlahlfongi la ke ma nwacsnwacs ac ma tiac, oacpacna fin oasr mwet suhlahlahlfongi ke ma nuhnkweyuck kuht in oruh uh ma oacna mwet sruok pristut luhn God. Lutiyuck kuht ac tuhtahflah in lutiyuck ke masap luhn God.

Ke kuht oruh moul lasr ke lwen nuh ke lwen, apkuhran in yohk srihpac lah luhlahlfongi lasr uh ac tuhfah eklac. Kuh in kuhtuh pacl uh kuht liyacaack lah kuht rauniyuckyak sin kuhtuh mwet sahyac ac wi inkaiyacn mwet uh kuh finne sifacna tu ke ma fal ac ma suhfal. Kuh oasr puhlaik nwacsnwacs in tu kuh nuh ke luhlahlfongi lasr uh, finne in oruh kac kuht enenuh in sifacna tu? In oacna mwet sruok pristut luhn God, yohk srihpac lah kuht enenuh in sun---puhlaik---ke kuhtwena ma upac tuhkuh nuh yohrohrs uh. Esam kahs lal Tennyson: Kuhiyuck pa kuhiyacn mwet singucul, ke srihpen insiyuck nwacsnwacs.”²

Yohkyohkwaclihk, kuhtuh mwet pwengpweng ac kuhtuh sahyac suc---ke kuhtuh srihpac---oasr ke liye luhn mwet uh, ahkkasrkuhsrakyeh luhlahlfongi uh ac, kuhtuh pacl uh, Alu uh. Fin fahkwack luhlahlfongi lasr uh tiac kuh pwelucng kac uh, kain ahkkoluk sacn kuh in oruh kuht in suhlahlahlfongi luhlahlfongi lasr sifacna kuh in soarui.

Ke aruhrruhma lal Lehi ke sahk in moul soko ah, sukokyak ke 1Nephi 8, Lehi el liye, inmahsrhon mwet sahyac, elos suc sruok osra soko ah nwe ke elos tuhkuh ac ipeis ke fahkon sahk in moul soko ah, suc ma kuht etuh lah pa aholyacn luhngse luhn God. Na, ahsoriyac uh, tukun elos ipeis ke fukun sahk sac, kuhtuh mwekihn ke srihpen mwet ke lohm luhlahp sac, suc ahol inse fuhlwact luhn tuhlihk nuhtin mwet, suc ma srihsrsrihsr nuh yohrohlos ac ahkkolukyactahl; ac elos puhtatyang nuh ke inkacnek koluk ac tuhlac. Fuhkah kuh ke kuhfa luhn mwe lokoalok pa ahkkoluk ac isrucnyuck! Sifilpac, tamuhlwel, kuh oasr puhlaik lasr in tu kuh ac fokoko nuh ke ma upac lain kuht uh?

Nga luhlahlfongi puhlakihn se emet luhk ke puhlaik in moulkihn luhlahlfongi luhk ma orek ke nga kuhlwaconsap ke United States Navy ke sahflahiyacn Mweun Ahkluo Facluh ah.

Yen in ahkpah luhn Navy ac tiac ma fihsracsr se nuh sihk, tiac nuh selos nuh kwewa ma ahksahfyelah ah. Ke wik tolu emet ah nga puhla lah kweoklac munuk. Navy tiac srihke in ahkpahyeyuc; tuh elos srihke in uniyucwi.

Ngwac fah esam pacl nuh kwewa ke apkuhran in sun Sacnri se ke wik se emet ah. Kuht eis pweng ke pwacngohk sin sie mwet kol luhn navy. Ke kuht kwekweelihk tu ke atacn tu lasr ke yen in ahkpah ah ke engyeng srihkiyacn acn California ah, kuht lohng sap soko lal ah: “Mihsenge nohfohnna som wi alu---nohfohnna, sahyuck. Ngwac monglac!” Na el salah, “Kowos nuh kwewa Catholic an, kowos toeni lun Camp Decatur---ac nimet fohlohk nwe ke ao tolu. Fahsr nuh met! U na puhs se lohng sap lal ah ac som. Na el salah nuh sin u se ahkluo ah, “Kowos mwet Jew, kowos toeni ke Camp Henry---ac nimet fohlohk nwe ke ao tolu. Fahsr nuh met!” Puh

kuhtuh u sac som. Na el fahk, “Kowos Protestant ma luhlah an, kowos toeni lun acn in petsac ke Camp Farragut---ac nimet fohlohk nwe ke ao tolu. Fahsr nuh met!

Na nuhnak se lweksrweni na tume nuh sihk, “Monson, kom tiac wi Catholic; kom tiac mwet Jew; kom tiac wi Protestant. Mormon se pa kom, tuna insacn!” Nga kuh in fahkoht lah nga puhla lah nga muhkwelacna. Puhlaik ac oaru, ahok---tuhsruhkh muhkwelac.

Na nga lohng puhsra wowo se ma nga tuhfhahna lohng chief petty officer el fahk ah. El ngwetma nuh yuruk ah fahk, “Ac suc kowos pahngon kowos kac an?” Ke kihtin pacl sac na nga tiac akihlen lah oasr mwet tu tukuk ke yen in ahkpah sac. Apkuhran in nohfohnna, kais sie topuk, “Mormon!” Upac in ahkuhtweyac engan se ma nwacklah insiyuck ah ke nga tahpuhllac ac liye solse ekahsr sahyac ah.

Chief petty officer el kawi sifacl ke ngwetngwet in fohsack tuhsruhkh el fahk, “Koacl, som sokwack sie acn in toeni an. Ac nimet fohlohk nwe ke ao tolu. Fahsr nuh met!”

Ke kuht som ah, nga nuhnkuh ke kahs ke pohloh fahk nga lotwelah ke U luhn Tuhlihk Srihsrihk ke yac puhs met ah:

Puhlaik in oruh sie Mormon

Puhlaik in muhkwelac tu

Puhlaik in oasr otwelah kuh la

Puhlaik in fahk otwelah lom

Puhlakihn uh ne forlah sie na liki ma nga motko nuh kac uh, nga insese in muhkwelac tu, fin ac oasr srihpac.

Ke lwen sac me oasr pacl ma wacngihn mwet tu tukuk ac nga muhkwena tu. Fuhkah tarilac luhk lah nga orwacalah sulaclah sac ke pacl loeloes somlah ah in tu kuh ac pwacye, ahkolah pacl nuh kwewa ac ahkolah in loango alu luhk uh, fin ac enenweyuck.

Kuht fin ac kuhtuh pacl uh puhla suhfal nuh ke orekma ma e sun kuht uh, tamuhlwel, nga kuh in akacsruhi nuh suwos ke pohloh kahs se oreklac ke yac 1987 sel Ezra Taft Benson ke el tuh Prestuhn luhn Alu uh ah ke el sramsram nuh sin un mempucr puhs se fin acn California. El fahk: “Ke matwac nuh kwewa, mwet pahluh uh liye fihlfihl in yac nuh ke pacl lasr uh. Mwet ma misac tari ac elos suc soenna isuslac uh tuni kuht. Nimet tahfonglac kac---kowos pa fihl sollac se uh. Apkuhran in sun tausin ohnkohsr God el liye komyang in orwacalah lomom ke lwen sahflah uh met liki tuhkuh ahkluo luhn Leum. Kuhtuh mwet uh e puhtatlac; tuhsruk tohkohsrahi luhn God fah oasr na yohrohsr in paing fohlohk luhn mwet kol kac---finne Jisus Kraist. Ke fihl se inge fah liyeyuck nuh ke kolukiyac nuh ke lwen lal Noah, ke Leum el ahknwacsnwacsyelah facluh ke sronot sac, yohk eklac ke pacl mihsenge uh. Ma ke God el sefiyac nuh ke pacl sahflah kuhtuh sin tuhlihk fokoko Nahtuhl, suc fah kahsrus tohkohsrahi fuhlwactlacna.” [3](#)

Ahok, tamuhlwel, kuht ahol kuhtuh sin tuhlihk fokoko Nahtuhl. Ma kunacsr in oruh in nwacsnwacs nuh ke mwe insewowo wolacna Pahpah tuhmasr Inkuhsrao el fihliyac nuh sesr uh.

Acn nuh kwewa kuht som nuh we uh, pristut lasr uh wi kuht. Kuh kuht tu ke acn muhtahl?
Nuhnak muhnahs met liki kom ac eis komyang ac pristut lom nuh ke ma sensen in som nuh ke
acn kuh wi ke mukwikwi ma tiac nwacsnwacs nuh sum kuh ke pristut sacn, tui in nuhnkuh ohiyac
e sikyak an. Utuckuh nuh sesr kais sie Aaronic Pristut. Ke oruh se, kais sie eis kuh ma sruok ki
nuh ke luti luhn lupufacn. Prestuhn Gordon B. Hinckley el fahk:

“Kom tiac kuh in oruh kuhtwena ma e luhsruhngwack inmahsrlom ac luti luhn lupufacn yurum
uh.

“Kom tiac kuh in fohkfohk ke kuhtwena ohiyac. Kom tiac kuh in sesuwohs. Kom tiac kuh in
pihsrapasr kuh kikiyacp. Kom tiac kuh in ahklusrohngtwenye inen God lom kuh orekmakihn
kahskahs fohkfohk ac srwackna oasr suwohs ke luti luhn lupufacn.” 4

Fin oasr kuhtwena suwos tihkuclkucl ke fuhfahsryucsr lom an, nga luhngse kom in etuh in tiac
oasr kuhtwena kihsen siyuck lah oasr inkacnek in fohlohk soko. Oruh se pa auliyak. Mwet
Lahngo lasr uh sang mouh Lal in use nuh sihk ac nuh sum mwe sang ahkinsewowoyeyuck sacn.
Tuhsruhk inkacnek in auliyak uh tiac fihsracs, olwelah uh pwacye. Fwack nuh sesr, “Ma koluk
lom an ne fohkfohk e kuh in ahkfasrfasryeyucklac oacna snow.” 5 “Ac ngwac fah
muhkuhnuhtahllah.” 6

E oasr suwos suc nuhnkuh nuh suwos sifacna, “Koacl, nga tiac moulkahn nohfohn masap uh ac
nga tiac oruh ma nuh kwewa nga enenuh in oruh uh, ac inge mouh luhk uh srwackna fahsr fal.
Nga muh nga kuh in engankihn mouh uh ac tiac karihngihn masap.” Tamuhlwel, nga olweoht nuh
suwos lah ma inge ac fah tiac orekma ne tok.

Mahlwem ekahsr somlah ah, nga eis lwacta se sin sie mukul suc nuhnkuh muh el kuh in eis
kwewa. El inge auliyak ac use muhtwacn kiyacel in eis ke ip yohk luhn wosasuc ac masap. Nga
luhngse akacsruhi nuh suwos ke pacruhkrahf soko ke lwacta se lah ah, tuh e ahol pwacyeyiacn
nuhnak kuhtasrihk: “Nga etwacelah sihk sifacna (inkacnek upac sac) lah Mwet Lahngo el ma na
pwacye se ke El fahk, ‘Wacngihn mwet kulansap ku in kulansapu leum luo. El ac srunga sie, ac
lungse el ngia; el ac pwaye nu sin sie, ac kwase el ngia. Kowos koflana kulansupu God ac mani.’
7 Nga srihke na upac oacna ke oruh luhn mwet uh, in oruh kwewa. Sahflahiyac ah, nga eis
kwewa oalallah, lohsrlohsr, ac muhkahimtacl lah Setuhn el sang nuh selos suc luhlhlhfongi oruh,
ahkmwenmwem ac kikiyacp lah uh.” 8

In oruh kuht in fokoko ac in kutong usrac nuh kwewa ma ul kuht nuh ke inkacnek suhtuhuh kuh
puhsra nuh kwewa ma ahkkweye kuht in eis inkacnek suhtuhuh, enenuh in oasr fahkwack
luhlhlhfongi lasr sifacna. Kom finne matwac yac 12 kuh 112---kuh oasr inmahsrlom---kom kuh in
etuh nuh sum sifacna lah wosasuc luhn Jisus Kraist uh pwacye. Riti Puk luhn Mormon. Motko ke
luti kac an. Siyuck sin Pahpah Lucng fin pwacye. Oasr olwelah se sesr lah kuht fin siyuck ke inse
pwacye, ke nuhnkuh pwacye, eis luhlhlhfongi ke Kraist, El ac ahkkahlwemye ma pwacye ke Puk
luhn Mormon nuh sesr ke kuh luhn Nguhn Muhtahl. 9

Ke kuht etuh lah Puk luhn Mormon uh pwacye uh, na kuht etuh pac lah Joseph Smith el pwacye
el mwet pahluh se ac lah el liyacack God Pahpah Ma Pahtpaht ac Wen Nahtuhl, Jisus Kraist. Na

kuht etuh pac lah wosasuc uh fohlohkihnyuckyak ke lwen sahflah inge sel Joseph Smith---
weacng fohlohkyak luhn kwewana Aaronic ac Melchizedek Pristut.

Ke pacl se oasr fahkwack luhlalfongi lasr uh, ma kunacsr in akacsruhi ke fahkwack luhlalfongi
sacn nuh sin mwet sahyac. Inkaiyowos tamuhlwel kuhlwaconsap ke misineri fin facluh.
Inkaiyowos mukul fuhsr ac tuhfah kuhlwaconsap. Ahkoekowoslac inge nuh ke pacl wowo sacn.
Oruh kom in nwacsnwacs na pwacye.

Kuht fin ahkolah in akacsruhi ke wosasuc uh, kuht ahkolah in topuk ke kahs in kahsruh lal Mwet
Sap Peter, suc tahpuhk, “Akola pacl nu kwewa in topuk kutena mwet su siyuk ke finsrak se su
oan in kowos.” ¹⁰

E oasr pacl wowo lasr ke moul lasr uh in akacsruhi ke luhlalfongi lasr, tuhsruhktuh kuht tiac
etuh pacl nuh kwewa ke kuht ac fah pahngyak in oruh oacna uh. Kain pacl wowo se tuhkuh nuh
yuruk ke yac 1957 ke nga orekma ke acn in sihm pwepuh ac ngihsrweyuck in som nuh Dallas,
Texas, kuhtuh pacl uh pahngpahng “siti luhn Alu,” in sruhmuhn nuh yurin mwet orek pisnis.
Tukun ahksahfyeyacn miting sac, nga wi pas soko muhtwacta ke siti sac. Ke kuht pas liye kain in
alu ac, mwet in wiwac sac fahk kac, “Nuh lwacyacn lacsac liye alu luhn Methodist,” kuh “Nuh
lwacyacn lacyot pa Catholic cathedral.”

Ke kuht ahluhkwelah lohm plak sruhsrah kahto se an fin inging soko ah, mwet wiwac sac welac,
“Lohm sacn pa Mormon toeni we uh.” Muhtwacn se kahpuh ah pahng, Mwet wiwac, kom kuh in
fahk nuh sesr kuhtuh ma ke Mormon?”

Mwet wiwac sac tui siskacn inkacnek ah, tahpuhlac ac topuk, “Muhtwacn, pwacna ma nga etuh
ke Mormon pa elos toeni ke lohm plak sruhsrah sacn. Kuh oasr mwet ke pas uh etuh kuhtwena
ma ke Mormon?”

Nga tuhpan sie mwet in topuk. Nga liye ke ngwetngwet luhn kais sie mwet ke kuhtuh akucl in
akihlennyuck, kuhtuh ke fahk. Nga liye lah ma nuh sihk in oruh oacna Mwet Sap Peter el fahk kac
ah, in “akola pacl nukwewa in topuk kutena mwet su siyuk ke finsrak se su oan in kowos.”

¹¹Nga akihlen pac lah ma pwacye ke soakas, “Ke pacl in sulaclah uh tuhkuh uh, pacl in ahkolah
uh som.”

Ke mihnit 15 kuhtuh ah, Nga eis pacl wowo luhk in akacsruhi nuh selos ke pas soko ah ke
fahkwack luhlalfongi luhk ke Alu uh ac ke luhlalfongi lasr uh. Nga tarilac ke fahkwack
luhlalfongi luhk ac tarilac lah nga ahkolah in akacsruhi kac.

Ke insiyuck ac nguhna luhk kwewa nga pruhe tuh mukul nuh kwewa ma sruok pristut uh fah
suhnakihn pristut sacn ac oruh in pwacye ke luhlalfongi ma utuck ke pacl ma asramsrami uh.
Kais sie sesr suc sruok pristut luhn God etuh ma el luhlalfongi uh. Kuht kuh in puhlaik ac
ahkolah in tu ke ma kuht luhlalfongi, ac kuht fin enenuh in muhkwen tu ke oruh sac, kuht kuh
in oruh in ahkpuhlaikye, ahkkweyeyuck ke etuh ma ke ma pwacye uh kuht tiac muhkwen tu ke
kuht tu yurin Pahpah tuhmasr Inkuhsrao.

Ke kuht motko mwe sang yohk se ma utuckuh nuh sesr uh, suc pa ma suwohs luhn pristut uh kapsrweyucki nuh ke kuh luhn inkuhsrao, kuh oaru lasr kuh in pacl nuh kwewa loango ac karihngihn ac in nwacsnwacs nuh ke olwelah yohk kac. Kuht kuh in ukwe ahkuhtweyac luhn Mwet Lahngo ke puk lal 3 Nephi, ke el fahk nuh sesr in kohlwack kahlwem lasr tuh in tohlwack facluh. Mwet Lahngo el fahk lah el pa kahlwem se ma ac sruokyac---ke ma kuht liye el oruh.” [12](#)

Tuh kuht in ukwe kahlwem sacn ac kohlwack nuh sin facluh nohfohn in liye pa pruhe luhk uh ke inen Jisus Kraist, amen.

Mwe Kahsruh

1. David Brooks, “If It Feels Right . . .,” *New York Times*, Septempuh 12, 2011.
2. Alfred, Lord Tennyson, “Sir Galahad,” stanza 1, lines 3--4.
3. Ezra Taft Benson, “In His Steps” (Church Educational System fireside, Fepweri 8, 1987).
4. Gordon B. Hinckley, “Personal Worthiness to Exercise the Priesthood,” *Liahona*, Julah 2002, 59; *Ensign*, Mei 2002, 52.

5. Isaia 1:18.
6. Jeremiah 31:34.
7. Mattu 6:24.
8. Ke sie lwacta la sifacna nuh sel Prestuhn Thomas S. Monson.
9. Liye Moroni 10:4.
10. 1 Peter 3:15.
11. 1 Peter 3:15.
12. Liye 3 Nephi 18:24.

Sie Mwet Lohoh

Sel Prestuhn Henry B. Eyring

Mwet in Kahsruh Se Met ke Prestuhnsi Se Met

Nga tarilac ke pacl wowo luhk in sramsram nuh suwos ke lwen Sahpuht ke toeni luhlahp ke Alu luhn Jisus Kraist luhn Mwet Luhlahlfongi ke Lwen-sahflah. Mempucr nuh kwewa luhn Alu uh oacna sie kunohkohn muhtahl la. Kuht insese nuh kac ac olwelah in otyak nuh kac ke kuht pacptaislac ah. Kuht lotwelah ke kahs lal Alma, mwet pahlul wolacna se ke Puk luhn Mormon, ma kuht olwelah nuh sin God lah kuht ac yok srah wi mwet yok srah, ahkwoye mwet ma enenuh in ahkwoyeyuck, ac tu in oruh mwet loh luhn God ke pacl nuh kwewa ac ke ma nuh kwewa ac acn nuh kwewa finne misac, tuh in kuh in moliyucklac sin God, ac in weluhlos suc moulyak emet, tuh kuht in eis moul ma pahtpaht. ¹

Kunohkohn muhtahl ac olwelah wolacna se pa ingacn nuh sin God. Pweng se luhk mihsenge uh pa pweng in ahkweye se. Oacna ke Puk luhn Mormon orwacnah kahlwem nuh sesr, ac kol kuht pac nuh met ke inkacnek nuh ke moul ma pahtpaht.

Ma se met, kuht olwelah in oruh luhngse pwacye. Ahkluo, kuht olwelah in oruh mwet loh luhn God. Ahktolu, kuht olwelah in kutong. Puk luhn Mormon pa mwe kolyuck wo se emet in lutlut ke ohiyacn oruh lasr uh ac ohiyacn oruh in wo liki.

Kuht muhtwacwacack oruh ke luhngse pwacye. Nga ac ahkacsmakihnye kowos ke ma tuhfhanna puhlahkihnyuck uh. Puhs suwos wi ke lwen in kuhlwacnsap. Tausin lwen in kuhlwacnsap oreklac fin facluh nohfohn.

Un mwet in kahsruh se ke Mwet Luhlahlfongi wiyuck uh pruhe in etuh kuhlwacnsap in pwacpaiyuck. Elos siyuck sin God in etuh mwet kuht enenuh in kahsruh, kuhlwacnsap fuhkah in orek, ac suc in suliyuck in wi. Elos kuh pac in pruhe in tiac muhkuhnlah sahfuhl kuh kof in nihmnihm. Ma yohk srihpac uh pa, elos pruhe tuh elos nuh kwewa ma oruh kuhlwacnsap ac elos nuh kwewa ma eis kac uh kuh in puhla luhngse luhn God.

Nga etuh lah pruhe ingacn topukyuck ke sie ward. Puhs liki mempucr 120 isaclosyang in kahsruh. Ke ao tolu elos ahknwacsnwacsyelah infohk ke lohm in alu se ke acn sesr ah. Orekma upac ac pwacr se. Mwet orekma ke alu sac tarikuhnlah. Elos nuh kwewa ma orekma ke lwen sac puhla sie sin sie ac luhngse yohk. Kuhtuh fahk pac lah elos engankihn ke elos fihf mah ac kalkucli sahk srihsrihk ah.

Kahs ke Puk luhn Mormon uh kahsrwelos in etuh lah efuh. Tohkohsrah Benjamin pa fahk nuh sin mwet lal ah lah ke elos kuhlwacnsapuh mwet wiyaclos uh, elos kuhlwacnsapuh God lalos. ² Ac Mormon pa, luti ke Puk luhn Mormon lah luhngse pwacye pa luhngse nwacsnwacs luhn Kraist ac e an nwe tok. Ac ke lwen sahflah, ac fah wo nuh selos suc sukoyak muh oasr luhngse pwacye la. ³

Leum el karihngihn olwelah Lal nuh suwos ke kowos karihngihn olwelah lowos an. Ke kowos kuhlwacnsapuh mwet sahyac nuh Sel uh, El sang kowos in puhla luhngse Lal. Ac ke sie pacl, puhla ke luhngse pwacye uh e oruh

ip ke moul lowos an. Ac kowos ac eis pwacyeyiaycn fahk lal Mormon lun insiyowos ke kowos suk in kuhlwacnsapuh mwet sahyac ke moul uh, ma nuh kwewa ac wo nuh suwos.

Oacna ke kowos olwelah nuh sin God in oruh luhngse pwacye, kowos olwelah in oruh mwet lohloh Lal ke acn nuh kwewa kowos oasr we ke moul lowos an. Sifilpacna fahk, Puk luhn Mormon pa mwe kol wowo se nga etuh kac in kahsrwe kuht karihngihn olwelah sac.

Nga tuh solsol in sramsram ke sro se ke lutlut etweyuck se. Prestuhn sac luhngse solwacel Prestuhn Gordon B. Hinckley, tuhsruhk sokwack lah el tiac kuh in orwacalah. Na oruh nga eis solsol sac. Nga tuh oruh mempucr fuhsr ke U luhn Mwet Sap Singucul Luo ah.

Mwet se ma suliyuc ngan sramsram ah elyah lah ke el etwacack yohk ke kunohkohn luhk in oruh sie Mwet Sap. El pahngonyuc ke taclofon ah ac fahk lah el tuhfhana etwacack lah kunohkohn luhk pa in oruh sie mwet loh ke Jisus Kraist.

Ke suwohs in fahk lal el fahk nuh sihk lah nga tiac kuh in oruh ke ngwac sramsram uh. El ahkuhtweyack lah lutlut luhlahp sac suhnakihn mwet ke alu nuh kwewa, weacng elos suc lahfwekihn oasr luhn God uh. El sifil pac fahk, “Kowos tiac kuh in ahkfalye orekma lowos an yenuh.”

Nga fihliyac tacluhfon sac ke kihsen siyuck upac luhn nuhnak luhk. Kuh ngwac fahk nuh sin lutlut sac lah ngwac tilac sramsram? Wik se na luhlah nuh ke lwen in sro sac. Fwack tari lah ngwac som. Meac ac sikyak ke tiac orwacalah karihngihnyacn insese luhk ac oruh nuh ke ine wo luhn Alu uh?

Nga pruhe in etuh lah meac God lac ke ngan oruh uh. Top sac tuhkuh. Nga akihlen lah mwe srihkasrak lal Nephi, Abinadi, Alma, Amulek, ac tuhlihk mukul nahtuhl Mosiah ah oruh ikeyacn moul luhk uh. Elos mwet loh suwohswohs luhn Jisus Kraist ke elos sun ma sensen upac.

Na sulacalah sefanna in oreklac pa ohiyacn ahkolah. Nga suk ke ma nuh kwewa nga kuh in etuh ke lutlut luhlahp sac. Ke lwen in sramsram sac fototome ah, yohkyohkwelihk tuhfal luhk ac pruhe luhk upaci.

Ke usrnguckiyac, Nga sokwack sramsram soko ke nus ah. Lutlut luhlahp sac ahkfuhlwactyeyuck ke kain ma oacna ma luhn Alu uh lotwelah in oruh ke kahsrh nuh sin mwet fin facluh nohfohn. Na ke sramsram luhk ah nga fahk ke ma kuht ac elos orwacalah in tahpuhk mwet uh ke enenuh yohk. Nga fahk lah nga etuh lah Jisus Kraist pa oruh mwe insewowo ma tuhkuh nuh ke moul lalos suc elos ac kuht kuhlwacnsapuh ah.

Tukun miting sac mwet intoe ah tuyak pahspahs. Nga lut tuhsruhk tuhfal kuhtuh srihsrihk. Nga esamwack ke ma sikyak nuh sel Abinadi ah. Alma muhkwenah insese nuh ke lohoh lal. Tuhsruhk in fong sac, ke mongo in ekuh luhlahp sac, nga lohng ke prestuhn luhn lutlut sac fahk lah ke sramsram se luhk ah el lohng kahs luhn God.

Kain ma sikyak oreklac se suhwac orek ke puhlakihn luhk in oruh mwet loh luhn Kraist. Tuhsruhk ma sikyak ke Puk luhn Mormon ke ohiyac, kuh, ac puhlaik lowos in oruh mwet loh se luhn God pa pwacye uh. Mwe luti ac srihkasrak yohk luhn puk sie inge ac fah kahsrh, kol, ac ahkpuhlaikye kowos.

Misineri nuh kwewa suc fahkwack ke ine ac wosasuc luhn Jisus Kraist uh fah ahkinsewowoyeyuck in kuhfwenyuckihn Puk luhn Mormon lwen nuh kwewa. Pahpah ninac ma upac nuh se in eis fahkwack luhlalhfongi ke Mwet Lahngo nuh ke insiyacn sie tuhlihk fah kahsrweyuck ke elos suk ke inkacnek in use kahs ac nguhn ke Puk luhn Mormon nuh in lohm ac ke moul nuh kwewa ke sucu lalos. Oruh sacn ahpwacyeyucklac nuh sesr.

Nga kuh in liye lah usrnguck uh sikyak ke toeni ke kuhfa luhn Leum ac kuhlahs luhn Alu ma nga wi uh. Mwet sramsram ac mwet luti uh ahkkahlwemye sie luhngse ac etuh yohk ke ma suhmuhslah uh, yohkiyac uh Puk luhn Mormon. Ac fahkwack luhlalhfongi luhn kais sie tuhkuh yohk ke loaliyacn insiyaclos. Elos luti ke yohkyohkwelihk ke ma elos luhlalhfongi ac fahk lohoh ke kuh.

Nga liye ahkwacyei kac oacna lah kuht mempucr ke alu uh oruh wo ke ip se ahktolu ke olwelah se kuht orwaclah ke pacptais ah. Kuht olwelah in muhtweng, in karihngihn masap luhn God ke kuht moul.

Nga muhtwactalah nuh ke infuckihl se lohm ono yurin kawuck mahtuh se luhk suc ac misac ke muhsen kacnsucr. Nga us tuhlihk muhtwacn fuhsr luo nuhtihk. Nga tiac pahngon lac akihlaacnuhlos. Sucu lal tulac siskacn mwe oan lal ah ke kuht utyak ah.

El ngwetwack ac isracsr srihsrihk. Ngwac esamyac na ngwetngwet se lal ah ke el liye lah nga ac muhtwacn kiyuck ah us tuhlihk muhtwacn luo nahtuhsr ah. El ohluhleltahl in kihluckyang fototo nuh yohrohl. El kweyak pihtucki, sruohkohltahl uh, ac fahkuhltahl nuh sin sucu lal ah. El sruhmuhn woiyacn tuhlihk muhtwacn luo ah. Oacna in sruhluhn el ahkkahlwemye kasra luo nuh sin mwet fuhlwaact.

Nga nuhnkuh muhtwacta lasr ah in sa na. Pwacyena lah, nga nuhnkuh muh, el ullac. Tuhsruhke ke nga liye oacna in muh matwacl wacngihnlac. El pihkapaklah ac kahlwem lah el sesseslah ke luhngse nuh sesr nuh kwewa.

Oacna lacn engankihn kihtin pacl sac in sruhluhn pacl uh tui. El oruh inkaiyacn moul lal ah in liyacacng tuhlihk nuh sin Leum. El etuh sramsram ke Puk luhn Mormon ah lah Mwet Lahngo moulyak sac eis kais sie tuhlihk ac, ahkinsewowoyaclos, ac tuhngiyac ke engan.⁴ Ac el puhlakihn engan sac paht nuh sel sifacna in kuh in kutong ke kuhlwacnsap in luhngse Lal nuh ke sahflah.

Nga liye kain usrnguck sacna ke infuckihl in mutul luhn sie mukul ma oruh kuhlwacnsap fal ke luhlalhfongi in nuhnkuh lah el orwaclah fal elan monglac.

Nga etuh lah el puhlakihn onweyuck ngal ac loes nuh ke mas se ma taktuh ah fahk nuh sel muh tiac kuh in wolac. Elos tilac oruh kuhtwena ma kuh finsrak kacl.

Muhtwacn kiyac ah pwenyuclac nuh ke infuckihl se ke lohm seltahl ah. Nga liyac el oan fin mwe oan se ma oreklac ne wo. El nukum wes fasrfasr wowo se, nektaiyang, ac fahluhk sasucyang.

El liye ngwetngwet lut luhn liye luhk, el kahkhsrihk isracsr ac tahfuh lah, "Tukun kowos ahkinsewowoyeyuclac ah, nga ke ngan ahkolah in topuk pahng se ma in sruhwack mwe oan luhk uh ac som orekma." Nga kuh in liye

lah el ahkolah nuh ke lohIngohk se ma el ac oruh yurin Mwet Luti Fuhlwaect ke pacl na sa, nuh yohrohl suc el orekma ke luhlalfongi nuh se.

El pa sie mwe srihkasrak luhn mwet welah na pwacye luhn Mwet Luhlalfongi ke Lwen-sahflah nga kwacna ohsun nuh se tukun elos kihsackuhnlah nuh ke moniyuck ke kuhlwaecnsap. Elos tahfwelah na.

Prestuhn Marion G. Romney el ahkuhtweyac ohinge: “Nuh sin sie suc welah na pwacye, kena lalos nuh ke ma suhfal nuh ke wosasuc luhn Jisus Kraist misac tari, ac ayaollac nuh ke luhngse luhn God oacyacpac ma oreklac ac oaru ke mwe kolyuck in karihngihn masap lal.”⁵

Oruh sacn yohkyohkwelihk na yurin mwet tuhma lutlut etuh luhn Jisus Kraist. Oacna ke tahmtahel se ma paing tuhlih muhtwacn nuhtihk ah ac mukul se ma fahlukh sasuc ma ahkolah in tuyak ac fahsrot ke Leum, elos ukwe sapkihn Lal ne ke sahflah. Kowos nuh kwewa liye tari kac.

Kowos kuh in sifil liye kowos fin fohlohk liye ke Puk luhn Mormon. Nga srwackna puhla mwel luhk ke insiyuck ke nga riti kaks lal Tohkohsrah Benjamin, mwet kuhlwaecnsap mahtuh ac moniyuck luhn God, el fahk nuh sin mwet ah lah mahnoh nohfohn rarrar ke el sramsram nuh selos ah; tuhsruh Leum el tahpuhkohl, ac lwelah laen sramsram nuh sin mwet ah.⁶

Kom kuh in eis puhlaik oacna nga ke mwe srihkasrak ke kutongyuck utuckuh sel Moroni. El muhkwen a ke orekma lal. El etuh lah sahflahiyacn pacl lal fototome. Ac inge el sihmihs ke mwet ma soenna isuslac ac ke tuhlih nuhtin mwet lokoalok lal facluh. Moroni el suli kuht in tuhkuh nuh yurin Kraist, ac in ahksuwohsyeyucklac Sel, in lahfwekihn kuhtlac liki ma koluk nuh kwewa, ac kuht fin lahfwekihn kuhtlac ke ma koluk; ac luhngse God ke oruh lasr, nuhnak lasr, ac kuhiyacsr, na luhng kuhlwaecng Lal oasr yohrohsr, tuh ke luhng kuhlwaecng Lal kuht ac kuh in ahksuwohsyeyucklac ke Kraist.⁷

Moroni el oruh ahkwacye sac in oacna sramsram in wihlkacs soko ke moul ac orekma lal. El tahpuhk luhngse pwacye oacna ke mwet pahluh ke Puk luhn Mormon uh. El oruh pac lohoh lal ke Mwet Lahngo ke misac apkuhran nuh yohrohl ah. El pa tuhlih se ma welah na pwacye nuhtin God, ma kuht kuh pac in oacna: sesseslah ke luhngse pwacye ac tiac sahngweng in oacna mwet loh luhn Mwet Lahngo ac wosasuc Lal, ac oaru in kutong ne ke sahflah.

Moroni el luti nuh sesr ma enenweyuck sesr uh. El fahk lah oruh se met nuh ke eklac pwacye ke luhlalfongi. Pruhe in lutlutkihn Puk luhn Mormon fah muhsahi luhlalfongi ke God Pahpah, ke Wen Kuloh Nahtuhl, ac ke wosasuc Lal. Ac fah muhsahi luhlalfongi lowos ke mwet pahluh luhn God, ke pacl met ah ac pacl mihsenge uh.

E kuh in ahkfototoye kowos me nuh yurin God liki na kuhtwena puk sahyac. Ac kuh in ekuhllah sie moul nuh ke moul wowo. Nga tahpuhk kowos in oruh ma misineri kampihni se luhk ah oruh ah. Ke el kahinglac liki lohm sel ah ke el fuhsr ah, mwet se fihliyac Puk luhn Mormon se lun pohk se el us weluhl in suk ke kuhtuh mwe engan.

Yac nuh ke yac. El forfor nuh ke kain in acn fin facluh. El muhkwen a ac el suhpwacr ke sie lwen ah ke el liyacack pohk sac. Pohk sac nwaenwaclah ke kain in ma el us weluhl. Ke kapihn pohk sac, el sokwack Puk luhn Mormon

se. El riti olwelah kac ah ac srihke. El etuh lah pwacye. Mwe ahkpwacye sac ekuhllah moul lal ah. El sokwack mwe engan yohk liki ma el mwemwekihn yohk.

Sie puk ke Puk luhn Mormon ac kuh in tiac ritiyuck yohk oacna ke enenweyuck uh, ke srihpen elyah ac mukwikwi lowos lwen nuh kwewa. Nga ngihstre suwos in lutlutkihn yohk ke sra puk kac an. Oasr fohnlah ke wosasuc luhn Jisus Kraist kac, suc ma pa inkacnek sefanna nuh lohm ah yurin God.

Nga usot nuh suwos lohoh pwacye luhk uh lah God el moul ac lac fah topuk pruhe lowos. Jisus Kraist pa Mwet Lahngo luhn facluh. Puk luhn Mormon pa ma lohoh pwacye ac etweyuck se ma muh El moul ac El pa Mwet Lahngo ac moul lasr uh.

Puk luhn Mormon pa sie ma lohoh sacohk ac pwacye ke Jisus Kraist. Ke ine muhtahl luhn Jisus Kraist, amen.

Mwe Kahsruh

1. Liye Mosiah 18:9.
2. Liye Mosiah 2:17.
3. Liye Moroni 7:47.
4. Liye 3 Nephi 17:21-22.
5. Marion G. Romney, ke Conference Report, Ohktohma 1963, 23.
6. Liye Mosiah 2:30.
7. Liye Moroni 10:32.

Tuhpan Leum: Luhngse Lom Fah Oreklac

Sel Elder Robert D. Hales

Ke U luhn Mwet Sap Singucul Luo

Ke lututacng in Sacnri se inge, kuht sang kuloh ac fahkwack luhlhlhfongi ke ma pwacye lah Mwet Lahngo lasr El moul. Wosasuc Lal fohlohkiynyuckyak sel Mwet Pahluh Joseph Smith. Puk luhn Mormon pwacye. Kuht kolyuck sin sie mwet pahluh moul mihsenge, Prestuhn Thomas S. Monson. Yohkiyacna, kuht fahkwack mwe loh pwacye ke Iwacalah luhn Jisus Kraist ac ke mwe in sewowo ma pahtpaht ma tuhkuh kac.

Ke mahlwem ekahsr somlah ah, oasr pacl wowo se luhk in lutlut ac lotwelah yohk ke kihsackuhnlah ke iwacalah luhn Mwet Lahngo ac ohiyacn El ahkoellah Sifacna in orwacalah mwe sang ma pahtpaht nuh sesr kais sie uh.

Ahkolah Lal muhtwacwacack ke moul se met liki moul se inge ke El tuhpan Pahpah Tuhmwac ac fahk lah kena luhn Pahpah fah oreklac ac wolacna ma luhn Pahpah ne tok ma pahtpaht.1 Muhtwacwacack ke pacl se ingacn ac kalweni nuh mihsenge, El orekmakihn sukohsohk in sulaclah Lal in lwelah ac ahkfalyelah plwacn luhn Pahpah tuhmasr Inkuhsrao. Ma suhmuhslah uh luti kuht lah ke El fuhsr ah, El som “forfor oruh orekma luhn Pahpah [Tuhmwac]”2 ac “El tuhpan Leum nuh ke pacl in orekma lal tuhkuh.”3 Ke matwac yac 30, El kweokkihn mwe sruh upac oacyacpac sulaclah in lain, fahk, “Fahlac likiyuc, Setuhn.”4 Fin acn Gethsemene, El luhlhlhfongi Pahpah Tuhmwac, fahkwack, “Tuhsruhktuh in tiac ou luhngse luhk, a in ou luhngse lom,”5 na sulaclah in keok ke ma koluk lasr. Ke ahkmwekihyeyuck ke sie nuhnuhkweyuck sin mwet nuh kwewa ac kweok ke srihpsrihyak sac , El tuhpan Pahpah Tuhmwac, in sese in, “kihneta ke tahfonglac lasr . . . [ac] futunlac ke ma koluk lasr uh.”6 Finne ke El wowoyak, “God luhk, God luhk, efuh kuh kom fahsr likiyuc?”7 El tuhpan Pahpah Tuhmwac---orekmakihn sukohsohk in sulaclah Lal,8 liye ninac kiyac,9 ac kampare nuh ke moul ac misin kawihl Lal sahflah.10

Nga kwacna motko, lah Efuh kuh Wen se nuhtin God ingacn ac mwet pahluh muhtahl Lal uh ac Mwet yohk Luhlhlhfongi la nuh kwewa oasr mwe nuhnuhkweyuck ac ma upac nuh se, finne ke elos srihke in oruh kena luhn Pahpah Lucng uh? Efuh arulacna upac, yohkna nuh selos?

Nga nuhkuh kac Joseph Smith, suc kweok ke mas ke el sie tuhlihk mukul ac ahkkolukyeyuck ke moul lal ah. El wowoyak oacna Mwet Lahngo ah ac siyuck sin God lah El oasr oyac.11 Oacyacpac finne ke el muhkahimtacl, el orekmakihn sukohsohk in sulaclah lal in tuhpan Leum ac tahfwelah kena luhn Pahpah Lucng.

Nga nuhkuh ke pioneer mahtuh lasr, suc lihlihlyak in som liki acn Nauvoo ac fahsr ahliki nien mwesis uh---orekmakihn sukohsohk in sulaclah lalos in ukwe sie mwet pahluh ke elos kweokkihn mas, suhkahsruh, ac kuhtuh misac. Efuh kuh kain ma upac inge? Piyac sahflahiyac? Meac srihpac kac an?

Ke kuht siyuck kihsen siyuck inge uh, kuht akihlen lah srihpac luhn moul lasr fin facluh pa in kapwack, ahkyohkye, ac ahkweyeyuck ke puhlakihn lasr sifacna uh. Kuht oruh ma inge fuhkah? Ma suhmuhslah uh use nuh sesr top ke sie pohloh kaks na fihsrwasr: kuht “tuhpan Leum.”12 Mwe srihke ac nuhnuhkuh utuckuh nuh

sesr nohfohn. Mwe srihkasrak luhn mahno inge lwelah kuht ac Pahpah tuhmasr Inkuhsrao in liye lah kuht ac orekmakihn sukohsohk in sulaclah lasr in ukwe Wen Nahtuhl kuh tiac. El etuh tari, ac oasr pacl wowo lasr in lutlut, lah finne fuhkah upaciyacn ohiyac ma kuht oasr kac uh, ma upac lasr nuh kwewa fah use nuh sesr mwe puhlakihn ac in ma wo nuh sesr.¹³

Kuh kalmeyac pa kuht fah enenuh in kahlwem ke ma upac lasr uh lwen nuh kwewa? Yac tiac kuht nuh kwewa, kuhtuh pacl uh, oasr srihpac la in siyuck, “O God, kom piyac?”¹⁴ Ahok! Ke sie muhtwacn kuh mukul misac uh, mwet se sahyac an ac motko (layac God). Ke ma upac luhn mani uh puhtatyang nuh sin sie sucu uh, sie pahpah ac siyuck (layac God). Ke tuhlihk uh eklac seahkos ac sesuwohs uh, sie ninac ac pahpah ac wowoyak ke ahsor. Ahok, "tuhng uh kuh in fahfahlac ke fong se na, tuhsruhkan uh tuhkuh ke lututacng."¹⁵ Na, ke muhtwacwacackiyacn ahkyohkye lasr ke luhlalhfongi ac kahlwem, kuht tuyak ac sulaclah in tuhpan Leum, fahk, “Fin ou luhngse lom.”¹⁶

Na, meac, kalmeyac pa in tuhpan Leum? Ke ma suhmuhslah uh, kaks *tuhpan* kalmeyac pa finsrak, in ahkolah, ac in luhlalhfongi. In finsrak ac luhlalhfongi ke Leum el enenuh luhlalhfongi, mongfihsrwacsr, inse puhsisac, muhtweng, liyacacng masap uh, ac kampare nuh ke sahflah.

In tuhpan Leum kalmeyac pa in yukiyac sie fihtac ke luhlalhfongi ac karihngihn ke oaru ac mongfihsrwacsr.¹⁷

Kalmeyac pa in pruhe oacna Mwet Lahngo El oruh—nuh sin God, Pahpah tuhmasr Inkuhsrao—fahk, "Tohkohsrahi Lom tuhkuh. Luhngse Lom in orek." Pa sie pruhe kuht sang ke nguhasr nohfohn, ke inen Mwet Lahngo lasr, Jisus Kraist.

Kalmeyacn tuhpan Leum pa in motko ke insiyacsr ac eis Nguhn Muhtahl kuht in muh kuh in etuh ma nuh kwewa ma kuht enenuh in oruh uh.¹⁸

Ke kuht ukwe mokleyuck luhn Nguhn uh, kuht sokwack lah “ma upac uh orekma ke mongfihsrwacsr”¹⁹ ac kuht lutlutkihn in tahfwelah in mongfihsrwacsr nwe ke kuht suwohs na pwacye.²⁰

Tuhpan Leum kalmeyac pa in tu na kuh²¹ ac fahsr nuh met ke luhlalhfongi, ac in oasr sie finsrak na kahlwem wowo.²²

Kalmeyac pa in fungyang nuh ke ma wo luhn Kraist, ²³ ac ke pahkotwen Lal in kahsrwekuht, fahk nuh sin Leum lah luhngse Lal e fah oreklac, ac tiac ke luhngse lasr.²⁴

Ke kuht tuhpan Leum, kuht tiac ahlohloh in karihngihn masap uh,²⁵ etuh lah kuht fah “sie lwen monglac ke ma upac [lasr] nuh kwewa uh.”²⁶

Ac kuht “tiac sisilac . . . luhlalhfongi [lasr]”²⁷ in muh ma nuh kwewa ma kuht ahkkolukyeyuck kac uh fah tuhkweni orekma in wo nuh sesr.²⁸

Mwe ahkkolukyeyuck ingacn fah tuhkuh ke kain inkacnek puhkantwen ke ma upac uh. Puhlakihn lah Job

ahkacsmakihnye kuht ke ma e utuckuh nuh sesr in kutong uh. Wacngihnlac ma nuh kwewa lal Job, weacng acn, loh, ac kosro nahtuhl; mwet ke sucu lal ah; pihngwac!; kuh in mahno lal, ac finne ohiyacn nuhnak lal an. Tuhsruhk, el tuhpan Leum ac fahkwack sie fahkwack luhlalhfongi fokoko se lal:

“Tuh nga etuh lah mwet in molwelah luhk el moul, ac el fah tu ke lwen sahflah fin facluh:

“Ac tuh wet uh kuhnahoslah mahno se inge, tuhsruhk in ikok nga fah liye God.”²⁹

"El finne uniyucwi, tuhsruhk nga fah luhlalhfongi kacl."³⁰

Finne ke mwe srihkasrak na wowo lal Job, mwet pahluh, ac Mwet Lahngo, kuht fah srwackna sokwack in upac in tuhpan Leum, yohkna ke kuht koflah in kahlwem wo ke plwacn ac srihpac Lal nuh sesr uh. Etuh sac kwacna utuckuh "lain nuh ke lain, [ac] mwe luti nuh ke mwe luti."³¹

Ke moul luhk uh nga lotwelah lah kuhtuh pacl uh nga tiacna eis sie top nuh ke sie pruhe ke srihpen Leum el etuh lah nga tiacna ahkolah. Ke El ac topuk uh, kwacna tuhkuh kais kuhtuh nuh inge ac kais kuhtuh nuh ingoh³²ke srihpen pa ingacn ma nuh kwewa ma nga kuh in eis kuh ma nuh kwewa ma nga luhngse oruh uh.

Inkaiyacn pacl uh kuht pruhe in eis mongfihswacs, tuhsruhk kuht luhngse nuh in pacl sacna! Ke sie tuhlih mukul fuhsr ah, Prestuhn David O. McKay el pruhe nuh ke sie mwe loh ke ma pwacye ke wasasuc uh. Yac pucspucs tohkoh, ke el kuhlwasapuh misin lal fin acn Scotland, mwe loh se ingacn tuhfhahna sikyang. Tok el suhmuhslah, “Mwe ahkwacye se nuh sihk lah pruhe ke inse pwacye sac toplac ‘sie pacl, sie acn.’”³²

Kuht kuh in tiac etuh lah ngac ac fuhkah top luhn Leum ma ac utuckuh uh, tuhsruhk ke pacl Lal ac inkacnek Lal, top uh fah tuhkuh. Tuh kuhtuh top uh kuht enenuh in tuhpan nuh ke tukun misac. Ma inge kuh in pwacye nuh ke kuhtuh olwelah ke mwe insewowo ke mwe sang sacohk lasr uh ac nuh ke kuhtuh mwe insewowo ituckyang luhn mwet ke sucu uh. Lwelah kuht in tiac fuhlweack sin Leum. Mwe insewowo Lal uh ma pahpaht, tiac ma nuh ke kihtin pacl.

Tuhpanwacng Leum use nuh sesr sie pacl wowo na sacohk in sokwack lah oasr mwet pucspucs suc tuhpan kuht. Tuhlih nahtuhsr uh tuhpan kuht in ahkahlwemye mongfihswacs, luhngse, ac kahlwem nuh selos. Pahpah ninac kiyacsr uh tuhpan kuht in ahkahlwemye tarilacna ac pahkotwen uh. Tamuhlwel ac tahmtahel wiyacsr uh tuhpan kuht in kulohi, pahkomuhta, ac nuhnak muhnahs. Muhtwacn kuh mukul tuhmwacsr uh tuhpan kuht in luhngse elos oacna Mwet Lahngo el luhngse kais sie sesr uh.

Ke kuht ahksahfyelah kweok ke mahno uh, kuht etwacnah yohk ke ohiyac ma mwet pucspucs kuhlwasapuh kais sie sesr uh. Nuh sin muhtwacn nuh kwewa suc yohk luhlalhfongi la in ahkos ac kuhlwasapuh Leum nuh sin sie mwet sang kuhlwasapuh wo nuh sin mwet sahyac suc karihngihn mwet mas, kahsrh mwet muhnahs, ac fosrngahkih mwet muhnahskih mwe nuhnak ac mahno an, nga puhla tarilacna ke sie Pahpah luhngse Inkuhsrao ac Wen Sacohk Nahtuhl. Ke karihngihnyuck oacna luhn Kraist lom lwen nuh kwewa uh, kom tuhpan Leum ac oruh kena luhn Pahpah tomom Inkuhsrao. Pwacyena Lal nuh sum uh kahlwem: “Ke kom oruh nuh sin sie ma srihk sin tamuhlwel wiyuck inge, kom oruh pac nuh sihk.”³⁴ El etuh kihackuhlah lom ac mwe ahsor lom uh. El

lohng pruhe lom an. Mihs ac monglac Lal fah ma lom ke kom kalweni in tuhpanuhl ke luhlalfongi uh.

Kais sie sesr nuh kwewa el sacohk nuh sin Leum likina kuht kuh in kahlwem kuh motko kac. Ke ma inge lwelah kuht in akuhlwacngi nuh sie ac nuh sesr sifacna yohk liki met ah. Lwelah kuht in esam lah ke kuht tuhpan Leum uh, kuht eklac mwet luhlalfongi ke iwaclah Lal, ahkostwen, efahl, inse puhsisac, mongfihsrwasr, sesseslah ke luhngse, kena in oruh ma nuh kwewa ma Leum El liye fal in srihke kuht kac uh, oacpacna ke inkacnek ma sie tuhlihk el sang nuh sin pahpah uh.³⁵

Pa inge kain sang se ma Mwet Lahngo lasr El sang nuh sin Pahpah Tuhmwacel ke Imac Gethsemane ah. El siyuck sin mwet tuhma lutlut Lal, “Wiyuc ngwetngwet sano,” tuh ke pacel ahktolu El fohlohk nuh yohrohltahl in sokuhltahlwack mutul. Ke wacngihn luhn mwet tuhma lutlut Lal inge ac yohkna ke wacngihn luhn Pahpah Tuhmwacel an, Mwet Lahngo el sulacalah in kweok ke mwe ngal ac ma upac ac kain mwe sruhf nuh kwewa lasr uh.³⁶ Ke sie lupufacn suhpweyucklac in ahkkweyael,³⁷ El tiacna sruhnga in nihm ke kuhp mwen sac.³⁸ El tuhpan Pahpah Tuhmwacel ac fahk, “Tuh in ou luhngse lom,”³⁹ ac El puhsisacel in sifacna ahkfalyelah misin Lal.⁴⁰ Inge, in oacna sie Mwet Sap Lal ke lwen sahflah inge, nga pruhe tuh kuht in fah ahkkweyeyuck in liyacl ac tuhpanuhl ke lwen lasr nohfohn uh.

Ke lututacng in Sacnri se inge, nga ahkkahlwemye tarilacna ke imac Gethsemane luhk ac lom uh, kuht tiac muhkwen. El suc karihngihn *kuht* “fah tiacna wacwact kuh mutul.”⁴¹ Lupufacn Lal ten ac lucng liki lihsrlihsr sac raunikuhtlac in ahkkweye kuht.⁴² Nga fahkwack mwe loh sacohk luhk lah olwelah Lal uh pwacye: “Elos suc tuhpan Leum fah ahksasucye kuhiyaclos; elos fah sohkwack ke mwe sohksok oacna eagle uh; elos fah kahsruhsr, ac tiac ullac; ac elos fah fahsr, ac tiac muhlallah.”⁴³ Lwelah kuht in tuhpanuhl ke fahsr nuh met ke luhlalfongi, tuh kuht kuh in fahk ke pruhe lasr uh, “In ou luhngse lom,”⁴⁴ ac fohlohk nuh Yohrohl ke ahkfuhlwact. Ke ine muhtahl luhn Mwet Lahngo ac Mwet in Molwelah lasr, finne Jisus Kraist, amen.

Mwe kahsrub an

- | | |
|--|---|
| 1. Liye Moses 4:2. | 22. Liye Alma 45:17. |
| 2. Luk 2:49. | 23. Liye 2 Nephi 31:20. |
| 3. Joseph Smith Translation, Matthew 3:24, ke Bible appendix. | 24. Liye Moroni 6:4. |
| 4. Luk 4:8. | 25. Liye Doctrine and Covenants 109:44. |
| 5. Luk 22:42. | 26. Liye Alma 1:25. |
| 6. Isaiah 53:5; liye pac Mosiah 14:5. | 27. Liye Alma 34:41. |
| 7. Mattu 27:46; Mark 15:34. | 28. Mwet Hebrew 10:35. |
| 8. Liye Luk 23:34. | 29. Liye Doctrine and Covenants 98:3. |
| 9. Liye Jon 19:27. | 30. Job 19:25--26. |
| 10. Liye Jon 19:30. | 31. Job 13:15. |
| 11. Liye Doctrine and Covenants 121:1. | 32. Liye 2 Nephi 28:30. |
| 12. Sam 37:9; 123:2; Isaiah 8:17; 40:31; liye pac 2 Nephi 18:17. | 33. <i>Teachings of Presidents of Church: David O. McKay</i> (2003), xviii. |
| 13. Liye Doctrine and Covenants 122:7. | 34. Mattu 25:40. |
| 14. Liye Doctrine and Covenants 121:1. | 35. Liye Mosiah 3 ^o 19. |
| 15. Sam 30:5. | 36. Liye Alma 7:11. |
| 16. Mattu 6:10; liye pac 3 Nephi 13:10; liye pac Mattu 26:39. | 37. Liye Luk 22:43. |
| 17. Liye Alma 32:41. | 38. Liye 3 Nephi 11:11; Doctrine and Covenants 19:18--19. |
| 18. Liye Mattu 6:10; Luk 11:2. | 39. Mattu 26:42. |
| 19. Liye 2 Nephi 32:5. | 40. Liye Doctrine and Covenants 76:107; 88:106; 133:50. |
| 20. Mwet Rome 5:3. | 41. Sam 121:4. |
| 21. Liye Doctrine and Covenants 67:13. | 42. Liye Doctrine and Covenants 84:88. |
| | 43. Isaiah 40:31. |
| | 44. Mattu 26:42. |

Mwe Luti luhn Jisus

Sel Elder Dallin H. Oaks

Ke U luhn Mwet Sap Singucul Luo

“Meac kowos nuhnuh ke Kraist?” (Mattu 22:42). Ke kaks ingacn Jisus el ahkfohsyeack Mwet Pharisee ke lwen Lal. Ke kain kaks ingacn pacna nga siyuck sin Mwet Luhlahlfongi ke Lwen-sahflah wiyuck ac mwet Kristin sahyac uh ma kowos luhlahlfongi na pwacye ke Jisus Kraist ac meac kowos oruh ke srihpen luhlahlfongi sacn.

Inkaiyacn mwe fahk ke ma suhmuhslah luhk uh fah tuhkuh ke Pwacpuhl, ke srihpen inkaiyacn Mwet Kristin uh etuh kac. Ahkuhtweyac luhk uh ac fah tuhkuh ke ma suhmuhslah sasuc, ma oacna Puk luhn Mormon, luti kuht ke kalmacn ma suhmuhslah luhn Pwacpuhl ma kain in Mwet Kristin tiac insese nuh kac. Nga sramsram nuh sin mwet luhlahlfongi tuhsruhktuh nuh sin mwet sahyac an pac. Kuhtuh suc sifacna pahnglohlos Mwet Kristin kaksakihn Jisus in sie mwet luti luhlahp tuhsruhktuh tiac ke insese nuh ke wolacna Lal. In sramsram nuh selos, nga orekmakihn kaks luhn Jisus Sifacna. Kuht nuhkwea enenuh in motko ke ma El Sifacna luti Kacl ac ma El suhpweyuckme nuh facluh in oruh uh.

Wen Kuloh Sefanna

Jisus El luti lah El pa Wen Kuloh Sefanna.

“Tuh God El luhngse facluh ohinge, El use Wen sefanna nahtuhl, tuh elos nuhkwea suc luhlahlfongi in el fah tiac misac, ac elos fah eis moul ma pahtpaht.

“Tuh God El tiac suhpwacma Wen nahtuhl in tuh nuhnuhkuh facluh, ac tuh facluh in eis moul kacl” (Jon 3:16–17).

Pahpah God El ahkweye ma inge. Ke sahflahiyaen sikyak muhtahl ke Finohl in Eklac soko ah, El fahkwelihk inkuhsrao, “el inge Wen kuloh sacohk nuhtihk, suc nga in sewowo kac; kowos lohngohl!” (Mattu 17:5).

Jisus el oacyacpac luti lah Atacl oacna atacn Pahpah Tuhmwacl. Nuh sin Mwet Sap Lal El Fahk:

“Inge ke kowos etweyuc tari, kowos fah oacyacpac etuh Pahpah tuhmuhk: ac ingelac kowos etwacl, ac kowos liyacl.

“Philip el fahk nuh sel, Leum, fahkuhlwack Pahpah nuh sesr, pwacyena ma kuht enenuh.

“Jisus el topuk, nga muhta yuruwos pacl na loeloes, na Philip, yac pwacye kom tiacna etweyuc? Kuhtwena mwet suc liyeyuc tari el liyacl pac Pahpah” (Jon 14:7–9).

Na, Mwet Sap Paul el ahkuhtweyac lah Wen “el ahkkahlwemye wolacna luhn God” (Met Hibrul:3; oacyacpac liye 2 Met Korint 4:4).

Mwet Orwaclah Se

Mwet Sap Jon el suhmuhsalah ke Jisus, suc el pahngon “Kahs,” “se inge el oasr yurin God met liki muhtwacwacyen facluh. God El orwaclah ma nuhkewewa kacl; wacngihn kuhtwena ma oreklac sahyac” (Jon 1:2–3). Na, ke plwacn luhn Pahpah, Jisus Kraist el pa Mwet Orwaclah ke ma nuhkewewa.

Leum God luhn Israel

Ke orekma Lal nuh sin mwet Lal fin acn Palestine, Jisus el fahkwack lah El pa Jehovah, Leum God luhn Israel (liye Jon 8:58). Tohkoh, ke Leum el moulyak, El ahkkweye mwet Lal fin acn Macrike.

El fahk lah el pa Jisus Kraist, suc mwet pahluh fahkwack lah lac fah tuhkuh nuh facluh.

Jisus el fahk nuh sin mwet uh lah El pa God luhn Israel ac God luhn facluh nohfohn (liye 3 Nephi 11: 10, 14).

Ma El Oruh Nuh Sestr

Ke toeni luhn stek yac pucspucs somlah ah, nga ohsun nuh sin muhtwacn se suc fahk lah el siyuckyuck in fohlohk nuh ke alu uh tukun yac pucspucs tuhsruhk el tiac kuh in nuhnkuh lah efuh. Nga fahk in ahkkweyacl, “Ke kom nuhnkuh ke ma nuhkewewa Mwet Lahngo el oruh nuh sestr uh, yac tiac oasr srihpac puhkantwen lom in fohlohk wi alu ac kuhlwaconsapwac?” Nga lut ke top lal ah: “Meac El oruh nuh sihk?” Nuh suwos suc tiac kahlwem ke ma Mwet Lahngo el oruh nuh sestr uh, Nga fah topuk kihsen siyuck soko an ke kahs Lal sifacna ac ke fahkwack luhlalhfongi luhk.

Moul luhn Facluh

Mwe luti inge oasr lun Pwacpuhl: “Nga tuhkuh tuh mwet uh in kuh in eis moul, moul se ma fas ke ma wo nuhkewewa” (Jon 10:10). Tohkoh, ke Facluh Sasuc se, El fahkwack lah, El pa kahlwem luhn facluh (Liye 3 Nephi 11:11). El pa Moul luhn Facluh ke srihpen El pa mwet in orwaclah se lasr ac ke srihpen, ke Moulyak Lal, kuht nuhkewewa kuh in etuh lah kuht ac sulpac moul. Ac moul se El acse nuh sestr tiac moul se ke facluh muhkewena. El luti, “Nga sang moul kawihl nuh selos; ac elos fah tiacna misac, wacngihn mwet kuh in tuhlakuhnuhloslac likiyuc” (Jon 10:28; liye pac Jon 17:2).

Kahlwem luhn Facluh

Jisus el luti pac, “Nga kahlwem luhn facluh: kuhtwena mwet suc fahsr tukuk fah oasr kahlwem luhn moul yohrohl, ac el fah tiacna fahsr in lohsr” (Jon 8:12). El oacyacpac fahkwack, “Nga pa inkacnek, ac pwacye, ac moul” (Jon 14:6). El pa Inkacnek mweyen mwe luti Lal ahkkahlwemye inkacnek lasr ke moul luhn facluh ac ahkkahlwemye nuh sesr ohiyacn fohlohk nuh yurin Pahpah.

Oruh Luhngse luhn Pahpah

Pacl nuhkwea, Jisus el suhnakihn Pahpah ac Ukwac. Finne ke El fuhsr El fahkwacng nuh sin pahpah ninac Kiyac fin facluh, “Yac komtacl tiac etuh tuh fal nga in muhta in loh m sin Pahpah tuhmuhk?” (Luk 2:49). “Mweyen Nga oactui inkuhsrao me,” El luti tok, “tiac in oruh luhngse luhk sifacna, ac ma luhngse lal suc suhpweyucme” (Jon 6:38; liye pac Jon 5:19). Ac Mwet Lahngo el luti, “Wacngihn mwet som nuh yurin Pahpah fin tiac ke nga” (Jon 14:6; liye pac Mattu 11:27).

Kuht fohlohk nuh yurin Pahpah ke kuht oruh luhngse Lal. Jisus El luti, “Tiac mwet nuhkwea ma pahngonyuc, Leum, Leum, ac fah ilyak nuh in tohkohsrahi luhn kuhsrao, ac elos na suc oruh ma luhngse luhn Pahpah tuhmuhk Inkuhsrao” (Mattu 7:21). El ahkuhtweyac:

“Mwet pucspucs ac fah fahk nuh sihk, Leum, Leum, kuht tuh fahkwack kahs luhn God ke inem? ac sislah demon? Ac oruh ma usrnguck pucspucs?”

“Na nga ac fahk nuh selos, nga tiacna etwekowos: fahlac likiyuc, kowos mwet koluk” (fuhs 22–23).

Suc ac fah ilyak nuh ke tohkohsrahi luhn inkuhsrao? Tiac mwet suc oruh orekma wo muhkwea ke inen Leum, Jisus El luti, tuhsruhktuh “elos na suc oruh ma luhngse luhn Pahpah tuhmuhk inkuhsrao” (fuhs 21).

Mwet Srihkasrak Yohk

Jisus El ahkkahlwemye nuh sesr ohiyacn oruh ma inge. El kalweni na in suli kuht in Ukwac: “Sheep nuhtihk porongo puhsrwek, Nga etwaclos, ac elos fahsr tukuk” (Jon 10:27).

Kuh luhn Pristut

El sang kuh luhn pristut nuh sin Mwet Sap Lal (liye Mattu 10:1) ac nuh sin mwet sahyac. Nuh sel Peter, Mwet Sap fuhlwact, El fahk, “Nga fah usot nuh sum ki nuh ke tohkohsrahi luhn inkuhsrao: Ma kom tiac lwelah fin facluh ac fah tiac pac lwelah inkuhsrao: ac ma kom lwelah fin facluh ac fah lwelah pac inkuhsrao” (Mattu 16:19; oacyacpac liye Mattu 18:18).

Luk el sihmihs lah “Jisus el sulaclah mwet itngucul ac suhpwacloselihk kais luo in fahsr met luhkwel nuh in acn nuhkwewa ma el ahkolah in som nuh we” (Luk 10:1). Tukun Mwet Itngucul inge engan in fahk nuh sel Jisus, “Nguhnh fohkfohk uh wi pac ahkos kuht ke kuht sapsap nuh selos ke inem” (Luk 10:17). Nga pa mwet loh ke kuh luhn pristut.

Kolyuck sin Nguhnh Muhtahl

Ke sahflahiyacn orekma Lal fin facluh ah, Jisus El luti Mwet Sap Lal, “Nguhnh Muhtahl el fah tuhkuh ac kahsrwe kowos, mweyen Pahpah El fah suhpwacma ke inek, el fah luti kowos ma nuhkwewa, ac oruh kowos in esamwack ma nuhkwewa ma nga fahk tari nuh suwos” (Jon 14:26), ac “fah eis ma nga sang nuh sel ac fahkwack nuh suwos” (Jon 16:13).

Kolyuck ke Masap Lal

El oacyacpac kol kuht ke masap Lal. Na, El sapkihn mwet Nephi lah elos tiac enenuh in akuhkuhin ke ip luhn wasasuc.

Mwet Lahngo el luti lah mwet suc oasr nguhn in akuhkuhin yohroh uh tiac mwet Lal tuhsruhk pa mwet lal devil, suc pa pahpah ke akuhkuhin ac luhngse in ahkfohsye insiyacn mwet in akuhkuhin ac foloyak nuh sin sie sin sie.

Ma inge tiac wasasuc luhn Mwet Lahngo in ahkfohsye insiyacn mwet uh in foloyak nuh sin sie sin sie, tuhsruhktuh wasasuc Lal pa in wacngihnlac ke ma inge (Liye 3 Nephi 11:29–30).

Lohacng nuh ke Moul Ma Pahtpaht

El oacyacpac kena kuht in lohacng nuh Sel, tiac nuh ke ma facluh uh. Ke sramsram yohk Lal ke fuhlao luhn moul, Jisus El ahkuhtweyac ma sielacna inmahsr lon mongo luhn mahno ac luhn ma pahtpaht. “Nik kowos orekma nuh ke mwe mongo suc ac koluklac,” El fahk, “ac kowos in orekma nuh ke mwe mongo ma ac oan nwe tok, suc Wen nuhtin mwet el ac usot nuh suwos” (Jon 6:27). Mwet Lahngo el luti lah El pa Fuhlao luhn Moul, ohiyac in eis mongo ma pahtpaht. In sramsramkihn ke mongo luhn facluh, weacng manna ma Jehovah el sang nuh sin tuhlihk nuhtin Israel ke acn mwesis, Jisus el luti lah elos suc luhlalhfongi ke fuhlao inge misac tari (liye Jon 6:49–50). In kotai, mongo El sang pa “bread in moul suc tuhkuh inkuhsrao me,” ac, Jisus el luti, “Kuhtwena mwet fin kang bread se inge, el fah eis moul ma pahtpaht” (Jon 6:51).

Kuhtuh sin mwet sap Lal fahk lah “arulacna upac” (fuhs 60), ac ke pacl inge puhs mwet fahsr Tohkohl “fohlohklac, ac tiac sifilpac weluhl” (fuhs 66). Pwacye lah elos tiac insese nuh ke mwe luti Lal met lah elos enenuh in sokwack “met ma nuh ke tohkohsrahi luhn God” (Mattu 6:33). Finne mihsenge kuhtuh mwet Kristin luhngse ma luhn facluh yohk—ma ma ac sang moul ke facluh ac tiac mwe mongo ma som nuh ke ma pahtpaht. Nuh sin kuhtuh, fahk “arulacna upac” Lal pa srihpac se in tiac ukwe Kraist.

Iwacлах Se

Ma yohk emet ke orekma luhn Mwet Lahngo lasr ke moul Lal pa Moulyak ac Iwacлах Lal ke ma koluk luhn facluh. John Pacptais el palye ke ma inge ke el fahk, “Liye, Lamb nuhtin God pa ingoh, suc elah ma koluk luhn facluh” (Jon 1:29). Tohkoh, Jisus el luti lah “Wen nuhtin mwet uh el tuhkuh in . . . sie mwet kuhlwasnsap, ac sang moul lal in molwelah mwet pucspucs” (Mattu 20:28). Ke Kuhfa Sahflah luhn Leum, Jisus el ahkuhtweyac, ke sramsram lun Mattu, lah wain El ahkinsewowoyelah ah pa “srah luhn wuhlweacng sasuc ukuiyucklac in elah ma koluk luhn mwet pucspucs” (Mattu 26:28).

Ke Leum el sikyang nuh sin mwet Nephi el solwaclos in tuhkuh nuh Sel in puhla kihnet Siskacl ac iken osra ke Pahol ac Falkacl ah. Jisus el fahk nuh sin mwet uh in tuyak ac tuhkuh nuh Sel, tuh elos in muh kuh in etuh lah El pa God luhn Israel ac God luhn facluh nohfohn (liye 3 Nephi 11:14). Ac, sramsram soko ah tuhtahflah, mwet uh puhtati nuh ke falkacn Jisus, ac alu nuh Sel (liye 3 Nephi 11:17). Ke ma inge, facluh nohfohn ac fah alu nuh Sel.

Jisus El oacyacpac luti ke ma pwacye luhn Iwacлах Lal. Puk luhn Mormon, suc ahkkahlwemye yohk ke mwe luti luhn Mwet Lango ac use ahkuhtweyac suwohs ke orekma se inge.

Pahpah God El suhpwacma Jisus Kraist El in muh kuh in srihpsrihyak nuh ke sahseng ac orwacni mwet nuhkwea nuh Sel.

Tuh elos kuh in nuhnuhkuweyuck ke orekma lalos.

Jisus el fahk lah kuhtwena mwet suc auliyak ac pacptaislac ke inel ac sesseslah: ac elos fin muhtweng ne ke sahflah, Jisus lac fah ahknwacsnwacsyacl in wacngihn ma koluk ye muhtuhn Pahpah ke El tuhkuh in nuhnuhkuh facluh.

Wacngihn ma koluk kuh in ilyak nuh ke tohkohsrahi luhn Pahpah; pwacnwacng wacngihn mwet kuh in utyak nuh in monglac Lal elos fin tiac ahknwacsnwacsyeyucklac ke Srahl, ke srihpen luhlalhfongi lalos, ac auliyak ke ma koluk nohfohn lalos, ac luhlalhfongi lalos ne ke sahflah (liye 3 Nephi 27:14-16, 19).

Na kuht kahlwem kac lah Iwacлах luhn Jisus Kraist use nuh sesr sie ohiyac ma kuht kuh in kuhtanglah misac luhn nguhn ma sikyak ke srihpen ma koluk, ac nuh ke karihngihn ac orwacлах olwelah muhtahl, in eis mwe insewowo luhn ma pahtpaht.

Srihkasrak ac Fahkwack Luhlahlfongi

Jisus el sang mwe srihkasrak: “Meac kowos nuhkuh ke Kraist?” (Mattu 22:42). Mwet Sap Paul el srihke mwet Korinth in “srihke kowos . . . in konwacack lah kowos moul in

luhlahlfongi” (2 Met Korint 13:5). Kuht nuhkwea enenuh in sifacna topuk mwe srihkasrak uh. Piyac ahkfuhlwact yohk uh? Kuh kuht oacna mwet Kristin ke sramsram in ahkacsmakihn soko lal Elder Maxwell ma elos mukwilac muhta Zion tuhsruhk srwackna fahsri acn Babylon. 1

Wacngihn acn oacna sie. Kuht pa mwet fahsr tukun Jisus Kraist. Mempucr ke Alu Lal ac wosasuc Lal, ac kuht tiac enenuh in orekamkihn visa in muhtwacta nuh Babylon kuh mukwikwi oacna mwet we uh. Kuht enenuh in suhnakihn Inel, karihngihn masap Lal, ac tiac suk ke ma luhn facluh se inge tuhsruhktuh muhsahi met tohkohsrahi luhn God, ac akiyac ma suwoswohs lal Mattu 6:33, ke footnote a; ke Joseph Smith Translation, Mattu 6:38).

Jisus Kraist *pa* Wen sefanna ac Wolacna nuhtin God. El *pa* Mwet Orwacnah se lasr. El *pa* Kahlwem luhn Facluh. El *pa* Mwet Lahngo lasr ke ma koluk ac misac. Pa inge kahlwem yohk srihpac emet fin facluh, ac kowos kuh in sifacna etuh, oacna ke nga sifacna etuh uh. Nguhn Muhtahl, suc fahkwack ke Pahpah ac Wen ac kol kuht nuh ke ma pwacye, ahkkahlwemye ma pwacye inge nuh sihk, ac El ac fah ahkkahlwemye ma inge nuh suwos. Ohiyac se pa kena ac ahkostwen. Jisus el luti, “Siyuck, na kowos fah eis, suk, na kowos fah konwacack, towolwack na sruhnguhl uh ac fah ikacklah nuh suwos” (Mattu 7:7). Ac “Kuhtwena mwet suc kena oruh ma luhngse luhn God, el fah etuh lah mwe luti luhk ma sin God me kuh ma sihk sifacna” (Jon 7:17). Nga fahkwack ke ma pwacye inge ke inen Jisus Kraist, amen.

Mwe Kahsruh

|v1

1. Liye Neal A. Maxwell, *A Wonderful Flood of Light* (1990), 47.